

مقابلات ذاكرة الأسرى




التفريغ

محمد أبو حبسة

الجزء الأول

إعداد أحلام التميمي

10 أيلول / سبتمبر 2024



مقابلة محمد أبو حبسة - الجزء الثاني

الجزء الثاني من مقابلة أجراها محمد التميمي، إعداد أحلام التميمي، ضمن سلسلة مقابلات ذاكرة الأسرى، أجري اللقاء في مخيم قلنديا، يوم 12 أيلول/سبتمبر 2024.

محمد التميمي: [00:00:00]
عم أبو صالح أهلا وسهلا فيك مرة ثانية.

محمد أبو حبسة: [00:00:02]
أهلا وسهلا يا حبيبي.

محمد التميمي: [00:00:03]
الله يسلمك.

محمد أبو حبسة: [00:00:04]
حياكم الله.

محمد التميمي: [00:00:05]
الله يحييك إحنا في اللقاء الأول توقفنا عند آخر يوم تحقيق بعد 117 يوم.

محمد أبو حبسة: [00:00:12]
آه 117 يوم.

محمد التميمي: [00:00:14]
آه فتوقفنا عند 117 يوم، فكان آخر يوم في التحقيق.

محمد أبو حبسة: [00:00:19]

آه.

محمد التميمي: [00:00:19]

شو صار بعد هيك؟

محمد أبو حبة: [00:00:21]

دخل الحاكم العسكري ومعه رجال مخابرات ومحققين وهيك، وكان منرفز ويغلط ويسب وبتعرف، ويعني في الآخر بقول لي: "إنت أنا عارف شو اللي بدك إياه، إنت تسعى لأن تموت يعني بدك تموت، وأنا بديش إياك تموت، هيك بصريح العبارة، أنا بدي إياك تموت كل يوم 1000 مرة".

محمد التميمي: [00:00:50]

آها.

محمد أبو حبة: [00:00:51]

"بدي إياك تكون في السجن تموت كل يوم 1000 مرة وتموت في السجن"، شو بدي أحكي أنا، قلت له: ماشي الحال، اللي بدك إياه سويه يعني إنت أنا هلقيت "لا حول ولا طائله"، يعني زي ما بقولوها، فقال لهم: "خليه خليه ينصرف إصرفوه على السجن نزلوه عالسجن"، طبعا بعبارات نايبة و.

محمد التميمي: [00:01:19]

آها.

محمد أبو حبة: [00:01:19]

نزلنا على السجن، بتعرف السجن يعني الشباب بكونوا سامعين مين اللي في السجن ببقى نازل حد من الزنازين قبلنا وهيك بيقلوا فلان هون وفلان، يعني فلان في التحقيق وفلان كذا، وبحكوا يعني فلان قديش عاني وقديش طول وهيك يعني، فالشباب يعني بنتظروا في على أحر من الجمر زي ما بقولوها.

محمد التميمي: [00:01:42]

آها.

محمد أبو حبسة: [00:01:43]

وما بصدقوا يوصل واحد زي هيك، وبتعرف شباب كلهم بيعرفونا، احترامات يعني فوق إل فوق العادة يعني بتكون، وبتعرف أول إشي حمام وبيحضروا لك أواعي وبيحضروا لك.

محمد التميمي: [00:01:59]

هذا أي سجن؟

محمد أبو حبسة: [00:02:00]

سجن رام الله.

محمد التميمي: [00:02:01]

سجن رام الله.

محمد أبو حبسة: [00:02:02]

سجن رام الله لأنني أنا من من زنازين رام الله على سجن رام الله.

محمد التميمي: [00:02:06]

نعم.

محمد أبو حبسة: [00:02:08]

هلا قعدت بجوز شهر أقل من شهر حق.

محمد التميمي: [00:02:13]

آها.

محمد أبو حبسة: [00:02:13]

وبعدين نقلوني على سجن الدامون، من سجن الدامون كان في محاولة هرب، برضو مسكونا وكسرونا تكسير، كسروا كل السجن.

محمد التميمي: [00:02:29]

آها، إنت اللي بدك تكون اللي قمت في عملية الهرب.

مجد أبو حبسة: [00:02:31]
آه آه.

مجد التميمي: [00:02:32]
ولّا حدا ثاني؟

مجد أبو حبسة: [00:02:34]
يعني يعني أكثر اثنين أكلوها اللي هو يعني كانوا اشبال اللي في السجن.

مجد التميمي: [00:02:39]
نعم.

مجد أبو حبسة: [00:02:40]
إيه شباب صغار يعني في العشرينات وأقل هيك، إيه أنا وفي شب اسمه نافز أبو شلبك من هون من عنا، يعني أكثر اثنين حطمونا يعني لدرجة إنه وجوهنا صارت زرق.

مجد التميمي: [00:02:58]
آها.

مجد أبو حبسة: [00:02:58]
يعني عينينا تدفنن وجوهنا زرق من كثر الكفوف والبوكسات ول والضرب والهذا، كان واحد ضابط الأمن اسمه حمزة الزير درزي، يعني مجرم أكثر من الصهاينة، يعني "كاثوليكي أكثر من بابا" زي ما بقولوها، فنافذ أخذوه على الرملة لأنه يحمل هوية قدس وأنا أخذوني على كفار يونا، في كفار يونا بتعرف شباب من عنا من من قلنديا ومن الخليل ومن إيه من غزة، شباب كلها يعني عمليات ثقيلة.

مجد التميمي: [00:03:43]
آها.

مُحَد أبو حبسة: [00:03:43]

صدفت إجى عيد انطلاق الثورة واحد واحد، قمنا بدنا بدنا نحتفل وسووا الاحتفال طلعه على روسنا.

مُحَد التميمي: [00:03:55]

آها.

مُحَد أبو حبسة: [00:03:55]

رشونا غاز قتلونا قتل، للأمانة إنو في شب من إل إيه من من إيه من إيه اللهم صل على سيدنا مُحَد من يطا من الخليل، إنه كفار يونا كان لإنه سجن مدني في تخوت.

مُحَد التميمي: [00:04:22]

آها.

مُحَد أبو حبسة: [00:04:22]

إيه ينط من الأرض على التخت فوق عالطابق الثاني، وينط من الطابق الثاني يعني روحه بتطلع، وإحنا زي ما تقول مغطين حالنا ببطاطين، كان في شب اسمه صخر إلياس من كفر نعمة الأخرى من المؤبدات، كان هو وأخوه مُحَد، إيه يعني هو كان أشطر واحد فينا مغطي حاله في البطانية، أجى حدا بفكره غميان أو إشي كشف البطانية عنه دخل عليه الغاز، يعني كان محمي تقريباً شوية، المهم كمية الغاز اللي ضربونا إياها إشي مش طبيعي.

مُحَد التميمي: [00:05:00]

آها.

مُحَد أبو حبسة: [00:05:01]

بعدين لآ إش في شباب صاروا يغموا الشباب، أجوا ضربوا أوكسجين أجوا قنبلتين أوكسجين ضربوا علينا مشان يعني.

مُحَد التميمي: [00:05:09]

يخففوا ال.

مُحَد أبو حبسة: [00:05:10]

يخففوا من الغاز، أجي الصليب الأحمر علينا بعد أسبوع، إيه قول بده يشوف شو أحوالنا وشو هيك؟ واحد من الشباب بس مسك البطانية وعمل فيها هيك، فهاظا يعني يكح وعيونه تدمع وطاح بعيد من السامعين برابيره وحالته حالة، قال: "شو هاظ؟"، قلنا له: هاظ إنت جاي بعد أسبوع، كيف إحنا اللي انضربناه في حينه.

مُحَد التميمي: [00:05:42]

اللي كنا في الحدث.

مُحَد أبو حبسة: [00:05:45]

آه، المهم بعد أسبوع نقلونا إيه دوّر وين الناشطين والأكثر أحكام وهيك، اللي من القدس ودوهم عالملة، واللي من الضفة ودونا على طولكرم، من طولكرم صرنا نطلع على المحاكم، وهذي رحلة المعاناة كانت أنا بالنسبة إلي.

مُحَد التميمي: [00:06:08]

قديش قعدت في كفار يونا؟

مُحَد أبو حبسة: [00:06:11]

والله بقى يعني ما طولناش كثير يعني أبو شهرين ثلاث.

مُحَد التميمي: [00:06:16]

آها.

مُحَد أبو حبسة: [00:06:16]

شهرين ثلاث بس، لإنه بقول لك نقلونا على طولكرم.

مُحَد التميمي: [00:06:20]

نعم.

مُحَد أبو حبسة: [00:06:20]

هلا طولكرم قعدنا حوالي حوالي يعني يعني تقريباً سنة أو أقل من سنة وإحنا رايعين جايين عالمحاكم.

محمد التميمي: [00:06:29]
عالمحاكم.

محمد أبو حبسة: [00:06:32]
عالمحاكم، بس الواحد صار يتمنى ينحكم مشان يخلص من المعاناة اللي بشوفها في الطريق، يعني كيف.

محمد التميمي: [00:06:41]
نعم

محمد أبو حبسة: [00:06:42]
تطلع من طولكرم على الرملة كويس.

محمد التميمي: [00:06:47]
نعم.

محمد أبو حبسة: [00:06:48]
في الرملة بدك تنزل في المعبار ومن المعبر بتروح عالمحكمة، وترجع من المحكمة عالمعبار معبار الرملة ومن المعبر يردوا يرجعوك على طولكرم، شوف هالرحلة هاي أكم كل نقلة في البوسطة، بدك توكل قتلة وبرشوك غاز، وكيف كانوا يربطوا الواحد يكلبشوه في إجرية ويجيبوا إيداهي يحطوها هيكل يكلبشوه هيكل، فيصير الواحد زي القفة.

محمد التميمي: [00:07:16]
آها.

محمد أبو حبسة: [00:07:16]
لا بيعرف يمشي ولا بيعرف إيه يتحرك ولا بيعرف يسوي إشي، فهماً يعني يستمتعوا، يا أخي ساديين، أشعر بيستمعوا وهم بيضربوا فينا، هلاً أنا لإني معيش مجموعة لحالي فكانوا ينفردوا

فيا، يعني لّا تكون مجموعة فيها سبعة ثمانية عشرة بصيحوها بصيحوها وكذا يعني بخفف شوية واحد عن الثاني.

محمد التميمي: [00:07:43]
آها.

محمد أبو حبسة: [00:07:43]
بس أنا لأني لحالي حتى كانوا يأخذوني مرات في بوسطة صغيرة، إيه يسكروا الشبابيك ويعبوها غاز وبعدين يحملوني هيك حمل زي إل زي القفة ويزتوني زيت فيها ويرشوا غاز، كان غاز زمان مش إيه مش اللي يعني غاز كان ميه واليه زي اللي يعني.

محمد التميمي: [00:08:10]
آها.

محمد أبو حبسة: [00:08:10]
هلا وين ما يصيب جسمك يصير كيف زي الحريق.

محمد التميمي: [00:08:15]
آها

محمد أبو حبسة: [00:08:15]
زي الحرق ييقبش، فتلاقي الواحد لّن يخبي حاله هيك معظمه يجوا في راسك، تلاقي الواحد لإنه تحت راسه كلهم مبقبش تلاقي الشعر واقف هيك زي النيص عرفت كيف، غير القتل طبعا، هلا من المحكمة يعني وإنت رايح عالمحكمة توكل قتلة وإنت مرووح من المحكمة تاكل قتلة وإنت رايح عال معبار توكل قتلة وإنت مرووح من المعبار، يعني فش في إيدك حيلة، إنت يعني وحيد بين مجموعة من الزعران تابعين حرس الحدود هذول بهالعضلات يعني بنقوهم نقا.

محمد التميمي: [00:08:56]
آها.

محمد أبو حبسة: [00:08:56]

فالمهم يعني الله قدرنا واتحملنا اللي تحملناه، هلا أجي الحكم.

مجد التميمي: [00:09:06]

طيب ما قبل قبل الحكم إيه بدي أحكي عن سجن طولكرم، مع إنه هو سجن فترة انتظار الحكم.

مجد أبو حبسة: [00:09:14]

آه توقيف.

مجد التميمي: [00:09:15]

للموقفين.

مجد أبو حبسة: [00:09:16]

آه.

مجد التميمي: [00:09:16]

شو بتحكي لي عنه؟ شو بتوصف لي إياه؟ كيف كانت حياتكم فيه؟ كيف كان نظام الأكل الحياة اليومية كلها بشكل كيف بتوصف لي السجن هناك.

مجد أبو حبسة: [00:09:25]

شوف سجن طولكرم سجن ما هو في الضفة.

مجد التميمي: [00:09:29]

نعم.

مجد أبو حبسة: [00:09:31]

إيه الناس رايحة جاية يعني مواقيف إشي بروح وإشي بيحي، بالتالي فش هظاك يعني في تنظيم، بس مش هظاك التنظيم القوي.

مجد التميمي: [00:09:42]

آها.

مجد أبو حبسة: [00:09:43]
ومع هيك ورغم إنه شباب صغار ومش متجذرين وتجربتهم قليلة، يعني إنه يا أخي كانوا شاطرين.

مجد التميمي: [00:09:54]
آها.

مجد أبو حبسة: [00:09:54]
يعني يكتشفوا جاسوس يكسره.

مجد التميمي: [00:09:58]
كان فيه عصافير هاذ السجن.

مجد أبو حبسة: [00:10:03]
آه كان، كان فيه عصافير كان إيه بس مش مش عنا يعني، فل إيه في الزنازين يحطوهم.

مجد التميمي: [00:10:12]
آها.

مجد أبو حبسة: [00:10:12]
يحطوهم في الزنازين.

مجد التميمي: [00:10:14]
في الناس، عند الناس اللي يعتقلوا جديد يعني اللي بدهم يسحبوا منهم أقوال.

مجد أبو حبسة: [00:10:18]
هظاك في التحقيق.

مجد التميمي: [00:10:19]
في التحقيق.

محمد أبو حبسة: [00:10:20]
آه طولكرم فش فيه تحقيق.

محمد التميمي: [00:10:22]
فش، بس قصدي إنه أكثرهم متواجدين عند الأسرى اللي بيجوا جديد.

محمد أبو حبسة: [00:10:26]
اللي، لأ، بتواجدوا عند إل إيه وقت التحقيق في الزنازين.

محمد التميمي: [00:10:31]
أيوة نعم نعم.

محمد أبو حبسة: [00:10:32]
بس مرات بدخلوا واحد، مثلاً إحنا في طولكرم دخلوا لنا واحد إيه من غزة.

محمد التميمي: [00:10:40]
آها.

محمد أبو حبسة: [00:10:41]
بصفة إنه قال حلاق، طيب اكتشفوه الشباب عارفينه يعني ولاد طولكرم راساً عرفوه.

محمد التميمي: [00:10:51]
آها.

محمد أبو حبسة: [00:10:51]
فصاروا بدهم يضربوه ضربوه شفرات وهيك، أنا كانت إيدي مكسورة، مكسورة ومجفصنة، هلقيتا كلهم هذول بوخذوا أحكام صغيرة، طيب "إنو اللي ضربه؟"، قالوا: "أبو حبسة"، طبعاً أنا بدي أخذها، فالدير بقول لي مدير كان اسمه (حاروش)، بقول لي: يعني "كيف يعني إنت ضربته وإيدك مجفصينة و"، قلت له: يم بالشفرة ضربته، هلاً هو قال له: "لأ مش هو"، مش هو يعني، بس خلص أنا حملتها يعني، بس شو بقول لك هاظا مؤبد وشو وشو بدها.

مجد التميمي: [00:11:30]
صحيح.

مجد التميمي: [00:11:30]
ولا حاكموني عليها أصلاً.

مجد التميمي: [00:11:33]
آها.

مجد أبو حبسة: [00:11:36]
فالأكل يعني مش يعني هيك، يعني بالمرة بالمرة الأكل.

مجد التميمي: [00:11:44]
نعم.

مجد أبو حبسة: [00:11:44]
كان، كانتينه كانت خفيفة، واللي يتعاقب يعني مثلاً على هاي قال عاقبني، العقاب كان أسبوعين شهرين ممنوع الزيارة، شهرين ممنوع كانتينه، أسبوعين فالزنانة، أسبوع بيودوا لك الأكل السجن العادي، وأسبوع مي وملح، يعني خبز ومي وملح.

مجد التميمي: [00:12:12]
آها.

مجد أبو حبسة: [00:12:12]
عرفت كيف.

مجد التميمي: [00:12:13]
هذا العقاب.

مجد أبو حبسة: [00:12:13]

هذا العقاب، قلنا يا الله بنتحملها شو بدنا نسوي، نتحملها عن الشباب الصغار وإلا بسوي لهم قضية عليها، وهيك مشت الأمور يعني نقعد هيك نحاول نسوي جلسات نحاول لها الشباب الصغار توعية، لها الشباب الكبار، وكنا أقلّة يعني إحنا أكم من واحد إلي أجينا من كفاريونا والبقية كلها شباب صغار.

مجد التميمي: [00:12:40]
كان في أسماء مميزين معكم في السجن؟ في سجن طولكرم.

مجد أبو حبسة: [00:12:45]
يعني أنا بتذكر هاظا بتذكر نبهان الأشقر مثلاً بذكر عدنان الضميري.

مجد التميمي: [00:12:50]
آها.

مجد أبو حبسة: [00:12:51]
كان بتذكر إيه شباب من عزون، يا أخي أنا يعني أنا انجلطت جلطتين وبالتالي.

مجد التميمي: [00:12:59]
الله يعطيك الصحة.

مجد أبو حبسة: [00:13:00]
الذاكرة مش كثير الأسماء يعني.

مجد التميمي: [00:13:04]
نعم، مش مشكلة بس.

مجد أبو حبسة: [00:13:05]
مش كثير بقدر أجيبهن يعني.

مجد التميمي: [00:13:05]
مش قصة يعني سألت إنه يعني قد يكون تعرّف عحدا.

محمد التميمي: [00:13:10]
آه.

محمد أبو حبسة: [00:13:10]
إيه إجاك زيارات، متى أول زيارة كانت، إجاك زيارات في سجن طولكرم؟

محمد أبو حبسة: [00:13:14]
كان يعني كان جواد أبو غوش كان رياض عويضة.

محمد التميمي: [00:13:17]
آه.

محمد أبو حبسة: [00:13:17]
كان إيه، اللهم صلّ على سيدنا محمد مين كمان كان بتذكر كان في شباب واحد بيقلوا له أبو غسان من عزون.

محمد التميمي: [00:13:29]
آها.

محمد أبو حبسة: [00:13:29]
آه، يعني شباب يعني فش شباب كبار معظمهم صغار.

محمد التميمي: [00:13:33]
نعم.

محمد أبو حبسة: [00:13:33]
معظمهم صغار، شباب صغار.

محمد التميمي: [00:13:36]
إجاك إجاك زيارة في طولكرم زاروك الأهل في سجن طولكرم ولا، أول زيارة متى كانت؟

مجد أبو حبسة: [00:13:43]
أول زيارة يبجوز بعد يعني شوف، هذي الزيارة كمان كانت مشكلة، يعني الختبار الله يرحمه.

مجد التميمي: [00:13:55]
تعيش.

مجد أبو حبسة: [00:13:59]
يجي على على كفار يونا يقولوا له في طولكرم، هلقيت عين يوصل بتعرف كيف كانت المواصلات
مش زي اليوم مواصلات.

مجد التميمي: [00:14:09]
صحيح.

مجد أبو حبسة: [00:14:09]
مواصلات يركبوا، يجي عطولكرم، يقولوا له في الرملة يكون خلص النهار.

مجد التميمي: [00:14:17]
آها.

مجد أبو حبسة: [00:14:18]
ثاني يوم يروح عالرملة يقولوا له مش عنا هذا في بير السبع، ثالث يوم يروح عبر السبع رابع يوم
يروح عالدامون وهيك، يغلبوا الأهل يعني غلبة شنيعة.

مجد التميمي: [00:14:32]
ما كان ما كان الصليب متواجد كما يجب في هذيك الفترة.

مجد أبو حبسة: [00:14:37]
كان يجي علينا كل شهرين مرة.

مجد التميمي: [00:14:39]

القصد إنه ما كان الأهل يسألوا الصليب إنه وين ابنا الصليب يزودهم إنه في سجن لفلازي.

مجد أبو حبسة: [00:14:44]
يسألوا ما هو الصليب يقولوا لهم هيو في طولكرم.

مجد التميمي: [00:14:46]
آه، هي مصلحة مصلحة السجون تحكي للصليب إنه موجود في المكان الفلازي.

مجد أبو حبسة: [00:14:51]
لأ، الصليب يجيب يعني إنت وين موجود بالزبط.

مجد التميمي: [00:14:53]
بالزبط.

مجد أبو حبسة: [00:14:54]
آه.

مجد التميمي: [00:14:55]
طيب.

مجد أبو حبسة: [00:14:55]
الصليب بعرف وين إنت، يروحوا الأهل عالصليب يقولوا له وين مثلاً ابنا يقول لهم هيو في طولكرم.

مجد التميمي: [00:15:01]
نعم.

مجد أبو حبسة: [00:15:01]
يجيوا عطولكرم إدارة السجن اللي تصير تلعب فيهم.

مجد التميمي: [00:15:03]

آه إنه نقلناه هناك.

محمد أبو حبسة: [00:15:05]
آه إنه انتقل نقلناه مش عنا.

محمد التميمي: [00:15:06]
نعم.

محمد أبو حبسة: [00:15:07]
راح عكفار يونا، يروح عكفار يونا يقولوا له مش عنا نقلوه عالدامون، شوف إنت يعني لما بده يطلع من كفار يونا عالدامون بده يمشي حوالي 150 كيلو.

محمد التميمي: [00:15:14]
صحيح صحيح.

محمد أبو حبسة: [00:15:16]
عرفت كيف؟

محمد التميمي: [00:15:17]
عذاب.

محمد أبو حبسة: [00:15:17]
عذاب، ويرجع بتكون الدنيا ليلت، فثاني يوم بده يرد يرجع كمان مرة يعني غلبة كانت عليهم مساكين الله إن شاء الله يسامحونا، أنا يعني لما زاروني مرة قلت لهم: خلص تجوش علي ما تزوروني بالرة، وشو الكانتينه؟ الكانتينه كانت 5 ليرات، كانت ليرة أم الشيكل وقتها.

محمد التميمي: [00:15:44]
آها.

محمد أبو حبسة: [00:15:44]
5 ليرات ما يعادل نصف دينار أردني يعني في هظاك الوقت.

محمد التميمي: [00:15:48]
آها.

محمد أبو حبة: [00:15:48]
شو بدها تجيب تجيب لك علبة نسكافيه أربع باكيتات دخان عمر، إيه معجون أسنان إيه باكيت بسكوت، هيك.

محمد التميمي: [00:15:59]
أشياء بسيطة.

محمد أبو حبة: [00:16:01]
آه يعني كيلو سكر.

محمد التميمي: [00:16:04]
آها.

محمد أبو حبة: [00:16:05]
بس هذول هن اللي يجيب هذول طول الشهر، فيعني كنا يعني كيف مدبرين حالنا، مثلاً اللي بدخنش يعطي اللي يدخن.

محمد التميمي: [00:16:16]
آها.

محمد أبو حبة: [00:16:16]
اللي مش كانتينا يلموا الكانتينا كلها مع بعض ويقسموها عالجميع اللي أجاه واللي ما جاهوش، فيعني كانت يعني كان في تعاون تعاون ممتاز يعني بين الشباب وبين إل إيه بين الشباب في بعض يعني.

محمد التميمي: [00:16:32]
آها.

محمد أبو حبسة: [00:16:32]
هذي كانت العيشة في طولكرم وإل يعني الغرف في طولكرم خاصة في في الصيف لإني أنا أخرى
ردوا عزلوني مرة ثانية، انعزلت فايه لما صارت عملية دلال المغربي عزلونا من بير السبع حوالي 75
واحد، اعتبرونا قيادة السجن وعزلونا من بير السبع على طولكرم.

محمد التميمي: [00:16:59]
عطولكرم.

محمد أبو حبسة: [00:17:00]
فأجت فترتها يعني شهر ثلاث كانت، ظلينا تقريبًا سنة ونص وفي البعض قعد سنين.

محمد التميمي: [00:17:11]
آها.

محمد أبو حبسة: [00:17:12]
يعني أنا من الناس اللي قعدنا سنة ونص، فترة إل إيه شهر سبعة وثمانية طولكرم، إشي ما
يتصوروش عقلك، أول إشي السجن تحت الارض حوالي 6 متر، بعدين فش هوا بدخل عليك،
يعني الغرف عمر الشمس في غرف عمر الشمس ما شافتهم أو دخلتهم، إيه اكتظاظ الغرفة
يكفي فيها 24 واحد.

محمد التميمي: [00:17:43]
24 واحد.

محمد أبو حبسة: [00:17:44]
24 واحد يعني هي كلها طولها سبعة متر، وفيها 24 واحد، الناس مصفطة يعني فوق بعض،
الرطوبة اللي في طولكرم بتفوت عالحمام، تخيل 24 واحد حمام واحد، يعني الحمام شغال
ليل نهار للي بده يتحمم وللي بده بعيد من السامعين إيه.

محمد التميمي: [00:18:05]
يستعمل الحمام.

مجد أبو حبسة: [00:18:06]
يستعمل الحمام، فتبقي تتحمم والعرق طالع لإنه رطوبة.

مجد التميمي: [00:18:13]
رطوبة عالية آه.

مجد أبو حبسة: [00:18:13]
سبعة وثمانية طولكرم وقليلية هدول يعني رطوبة مش طبيعية، وخاصة إنه تحت الأرض إحنا.

مجد التميمي: [00:18:24]
آها.

مجد أبو حبسة: [00:18:25]
إيه وبالإضافة للاكتظاظ، تطلع عالفترة، الفورة يعني بدك تقول طولها أبو 15 متر في 6 متر يمكن، آه والله بجوز أقل.

مجد التميمي: [00:18:43]
آها.

مجد أبو حبسة: [00:18:43]
نلف فيها شوية نشوف الشمس ونشوف الهوا ونشوف، هاي هي فسجن طولكرم يعني من أسوء سجون من ناحية من ناحية معيشية، من ناحية معيشية، هلقيت إيه قلت لك نروح ونيجي على المحاكم، آخر إشي لما انحكمت.

مجد التميمي: [00:19:08]
بس في المحاكم إيه كنت تشوف الأهل في المحاكم.

مجد أبو حبسة: [00:19:11]
كانوا يجوا آه.

مجد التميمي: [00:19:12]
يعني أول لقاء بينك وبين الأهل كان فالحكمة ولا فالسجن في الزيارة.

مجد أبو حبسة: [00:19:17]
لا، أول لقاء زاروني مرة، إيه زاروني مرة في كفار يونا.

مجد التميمي: [00:19:26]
آه هي أول زيارة كانت إلهم في كفار يونا.

مجد أبو حبسة: [00:19:28]
آه.

مجد التميمي: [00:19:28]
بس أول لقاء ما بينك وبينهم كان في المحكمة أول محكمة.

مجد أبو حبسة: [00:19:31]
في المحاكم آه.

مجد التميمي: [00:19:33]
أيه.

مجد أبو حبسة: [00:19:34]
بخلوهمش يحكوا معاك يعني بكونوا بعاد.

مجد التميمي: [00:19:36]
ما سمحوا لكم.

مجد أبو حبسة: [00:19:37]
لا لا.

محمد التميمي: [00:19:37]
يحكوا مع بعض نهائيًا.

محمد أبو حبة: [00:19:38]
ولا يسلموا عليك ولا إشي بس ولا يحكوا معاك بس بطلعوا عليك يعني، وكان تيجي كان يجوا صحافة ويجوا.

محمد التميمي: [00:19:47]
آها.

محمد أبو حبة: [00:19:48]
آه يعني ما كانش زمان تلفزيونات وهيك زمان كان صحافة.

محمد التميمي: [00:19:52]
آها.

محمد أبو حبة: [00:19:53]
يجوا صحفيين.

محمد التميمي: [00:19:54]
وما كان في السجن في تلفزيونات عندكم راديوهات إذاعة في طولكرم.

محمد أبو حبة: [00:20:00]
مين راديوهات وبطيخ يا زلة.

محمد التميمي: [00:20:02]
ما كان.

محمد أبو حبة: [00:20:02]
ولا كان إشي، ولا كان إشي إحنا في هذيك الفترة يعني بعد ما حكمتنا ورحنا على بير السبع.

مجد التميمي: [00:20:12]
آها.

مجد أبو حبسة: [00:20:12]
كانوا يعطوك جلدة سمكها اثنين ميلي.

مجد التميمي: [00:20:16]
نعم.

مجد أبو حبسة: [00:20:19]
ويعطوك ثلاث بطاطين، في الصيف ثلاث بطاطين، في الشتا يعطوك بطانية من الصليب الأحمر، هلا بطاطين السجن يعني ناخلة بتكون زي الكيس يعني بتسوي هيك بتخايل، يعني بطاطين تعبانة، إي هو الحرام تبع الصليب الأحمر هاذ يعني صوف وهيك يعني كانوا هو اللي مسلكها، طبغًا مخدات ما فش، فا فش تنضطر نخيطنهن زي الكيس، وندخل في جواهن.

مجد التميمي: [00:20:56]
آها.

مجد أبو حبسة: [00:20:56]
ونحاول نحط نايلون إذا لقينا نايلون من كياس السكر تبعين المطبخ يجيبوا لنا اياه، يحطوا لنا نايلون في على أساس إنه يعني يعطي شوية دفا أو ما يدخلش عليك الهوا البارد، لإته النقب والسبع بشكل عام، إل إيه في الشتا في النهار مقبول بس في الليل موت برد.

مجد التميمي: [00:21:26]
صحيح.

مجد أبو حبسة: [00:21:27]
أبرد من عنا من هون فل إيه في الشتا، يعني أنا بذكر إنه بعيد من السامعين بقينا الصبح نقوم نلاقي الفيران واقفة هيك ومتجمدة من البرد.

مجد التميمي: [00:21:41]

يا الله.

محمد أبو حبسة: [00:21:41]
متخيل إنت، يعني مع لما بتجمد الفار يعني معناه تحت الصفر بدها تكون الحرارة، آه ظلينا على
ها المعدل بقولك لما إجي الحكم.

محمد التميمي: [00:21:56]
إجي الحكم.

محمد أبو حبسة: [00:21:56]
انحكمننا.

محمد التميمي: [00:21:57]
أغلب الجلسات طول فترة المحكمة كانت إيه إيه تؤجل.

محمد أبو حبسة: [00:22:03]
يحكوا يناقشوا يناقشوا يعني شغلة شغلة يناقشوا العمليات ويناقشوا ال.

محمد التميمي: [00:22:09]
نعم.

محمد أبو حبسة: [00:22:10]
آه وأنا طبعا "موديه" يقولوا لي أقول لهم: " (لو موديه)".

محمد التميمي: [00:22:15]
آه، غير معترف.

محمد أبو حبسة: [00:22:16]
آه، غير معترف شو في عندكم أنا في توقيع إلي أقول لهم أنا موقع على إشي.

محمد التميمي: [00:22:22]

آها.

محمد أبو حبسة: [00:22:22]
بنجنوا، إيه المهم يقرأ هاللائحة، ويقول طيب تؤجل تؤجل تؤجل، طبعاً كل جلسة يناقشوا
يأجلوا يناقشوا يأجلوا.

محمد التميمي: [00:22:37]
مين كان محاميك؟

محمد أبو حبسة: [00:22:39]
فش محامي إلي.

محمد التميمي: [00:22:40]
ما كانش عندك محامي في هذيك الفترات.

محمد أبو حبسة: [00:22:43]
لأ، فش محامي.

محمد التميمي: [00:22:43]
وكنت تنقل في البوسطة إنت لحالك بدون إيه معكاش أي حدا.

محمد أبو حبسة: [00:22:48]
أنا بقول لك أخذوا أخويا معايا.

محمد التميمي: [00:22:51]
آه.

محمد أبو حبسة: [00:22:51]
أخويا يعني مش لازم يقعد، يعني هو اعترف إنه إيش إنه بيعرف إنه أخوه فدائي.

محمد التميمي: [00:22:57]

نعم.

محمد أبو حبسة: [00:22:58]
غير هيك فش عنده.

محمد التميمي: [00:23:00]
فش عنده.

محمد أبو حبسة: [00:23:00]
هاي عليها بسموها عدم إخبار، فكان له محامي قوي كان إبراهيم ابو عطا، قال لهم يعني ولد
ولد صغير زي هاظا، إيه لو بده يجي يخبركم قال ليش ما خبرنا، لو بده يجي يخبركم أهله
بذبحوه بيعتبروه جاسوس.

محمد التميمي: [00:23:19]
آها.

محمد أبو حبسة: [00:23:19]
وبعدين إنتو بتطلبوا من ولد طفل زي هاظ، بتطلبوا منه هيك شغلات المهم، يعني كان اللي
زيه كانوا بوخذ ثلاث أشهر، أربعة أشهر هيك.

محمد التميمي: [00:23:30]
نعم.

محمد أبو حبسة: [00:23:31]
العدل عدم الإخبار.

محمد التميمي: [00:23:34]
هو هو قاعد قاعد الفترة هاي وطلع ولا لأ؟

محمد أبو حبسة: [00:23:36]
لأ هو أعطوه تسع سنين ونص.

محمد التميمي: [00:23:40]
تسع سنوات ونص.

محمد أبو حبة: [00:23:41]
آه ، إيه منهن ثلاث فعلي.

محمد التميمي: [00:23:47]
آه.

محمد أبو حبة: [00:23:48]
واشترتوا له ب 3000 ، 3000 دينار إيه الست سنين هذولاك، ست سنين ونص.

محمد التميمي: [00:23:58]
نعم.

محمد أبو حبة: [00:23:59]
اشترهون بمصاري، يعني دفعوا فلوس، كان يعني المحامي هيك سواها إنه بيقدر يدفع بدالهن غرامة.

محمد التميمي: [00:24:08]
نعم.

محمد أبو حبة: [00:24:09]
إيه سووله إياهن سنة ونص إيه سوى له إياهن وقف تنفيذ وثلاث سنين فعلي.

محمد التميمي: [00:24:19]
آها.

محمد أبو حبة: [00:24:20]
والغرامة اللي هي في وقتها 3000 دينار يعني حوالي 30000 ليرة في هذالك الوقت.

محمد التميمي: [00:24:25]
صحيح.

محمد أبو حبة: [00:24:27]
هلقيت أنا بدهم يحطوا لي محامي راح عمي الله يسهل عليه ويرحمه "أنو أشطر محامي في إسرائيل؟"، قالوا له: "واحد اسمه "توسيا كوهين"، توسيا كوهين هاظا كان رئيس محكمة ال محكمة الاستئناف العسكرية.

محمد التميمي: [00:24:44]
نعم.

محمد أبو حبة: [00:24:45]
ومحامي يعني هاظ محامي ضخم، هاظ عالاستشارة كان يوخذ 1000 دينار على خمس دقائق.

محمد التميمي: [00:24:55]
نعم.

محمد أبو حبة: [00:24:55]
فراح عليه عمي، عمي أوضاعه كويسة يعني بدك تقول، كان جاي من فنزويلا ومعه معه فلوس منيح يعني، قالوا له: "هاظا بوخذ فلوس"، قال لهم: "يوخذ إلي بده إياه"، المهم لمذا فات على السكرتيرة، بتقول له: "هذي الاستشارة 10000 ليرة" يعني 1000 دينار.

محمد التميمي: [00:25:17]
آها.

محمد أبو حبة: [00:25:17]
قال لها: "مش مشكلة"، فات عليه قال له: "يا خواجه أنا إلي ابن أخوي هيك هيك، وبدي توخذ قضيته ومرحبا بك شو بدك إحنا مستعدين"، قال له: "اسمع"، قال له: "آه"، قال له: "أنا أقل قضية بوخذها ب 200 ألف"، يعني ما ما يوازي 20000 دينار 25000 دينار هيك،

قال له: "مش مشكلة"، قال له: "طيب بتجيني بكرة"، ثاني مشان قال له: "أدرس الملف أشوف ملفه وأدرسه".

محمد التميمي: [00:25:55]
نعم.

محمد أبو حبسة: [00:25:56]
رجع عليه ثاني يوم، هاظا هيك خرفني عمي الله يرحمه.

محمد التميمي: [00:26:03]
تعيش.

محمد أبو حبسة: [00:26:03]
هاظا الرجل عجيب يا أخي، أجي زارني آخر مرة في ال 83، إيه بقول لي: "عمي خلص هاي آخر زيارة، ما راح تشوفني بعد هيك"، بقول له: شو؟ قال لي: "خلص أنا بدي أموت".

محمد التميمي: [00:26:16]
يا الله.

محمد أبو حبسة: [00:26:17]
بالفعل بعد هيك كانت تجينا الجريدة كل أسبوع مرة أو مرتين.

محمد التميمي: [00:26:23]
آها.

محمد أبو حبسة: [00:26:23]
ما هيك بقلب في الجريدة ولا بنعوا فيه.

محمد التميمي: [00:26:25]
يا الله.

محمد أبو حبسة: [00:26:26]
آه والله.

محمد التميمي: [00:26:27]
رحمه الله عليه.

محمد أبو حبسة: [00:26:29]
تعيش، فالهم ثاني يوم رجع لتوسيا كوهين هاظا، قال له: "آه يا خواجه"، قال له: "اسمع إنت مبین عليك زلة طيب ومحترم، وأنا بدي أنصحك هالنصيحة تقبلها مني؟"، قال له: "آه"، قال له: "إوعى تفكر تحط له محامي".

محمد التميمي: [00:26:49]
آها.

محمد أبو حبسة: [00:26:49]
"أي محامي بتحط له ياه بس بوخذ منك فلوس وعالفاضي بضحك عليك، انسوه هاظا الولد".

محمد التميمي: [00:26:57]
آها.

محمد أبو حبسة: [00:26:58]
"هاظ الولد بوخذ حكم عالي، وأوعى حدا من المحامين يضحك عليك، تحطولش محامي".

محمد التميمي: [00:27:06]
كان واضح معاه.

محمد أبو حبسة: [00:27:10]
آه، على هالكلمتين أخذ 1000 دينار، فيا سيدنا العزيز المهم، المحكمة الأخيرة اللي بدي انحكم فيها هاي انحكمت فيها قلت لك انحكمت فيها إعدام، عاد أنا بتعرف حكيت كلمة مرتبة وقتيها، وسجلوها الصحافة وهيك، طبعًا بدي أدفع ثمنها وأنا طالع دفعنا ثمنها، حطوني.

مُحَد التميمي: [00:27:42]

شو حكيت؟

مُحَد أبو حبسة: [00:27:44]

يعني حكيت إنه يعني إحنا حركة تحرر وطني، وإنتو دولة ظالمة قمتوا يعني هجرتونا من بلادنا قسرًا، وهدمتوا بيوتنا، وجبت قصة العجوزتين هذولا اللي قلت لك طخوهن في عينيهم في البلد، قام "شاكير" ومش عارف يعني كذاب، قلت له: لأ مش (مشاكير) أنا، وهي اللي أول واحد جابها هيو حي يرزق موجود كان موجود سيدي.

مُحَد التميمي: [00:28:22]

آها.

مُحَد أبو حبسة: [00:28:22]

فا يعني حكيت حكيت إشي منيح أنا وقتيها وفي الآخر إنه يعني آخر إشي قلت لهم: إنتو وأحكامكم إلى الجحيم ورح أطلع غصبًا عنكم، آخر إشي هيك، صاروا يضحكوا، إنه شو بتبيل هاظ تطلع غصبًا عننا إنت يعني، طيب أخذوني على إل إيه على سجن الرملة حطوني في الزنزانة تبعت أيخمان، هاي ارتفاعها حوالي ثلاثة متر فيها نواصة صغيرة زي كيف زي هاي هيك، با ضو بس يعني بجوز عشرة واط، وباب حديد باب يعني قضبان وعليه شبكين، وعرضها حوالي متر طولها متر ونص، يعني إذا بدي أمد حالي ما بقدرش يعني ما بتويعش إني أمد حالي على طولي.

مُحَد التميمي: [00:29:18]

آها.

مُحَد أبو حبسة: [00:29:19]

كان وقتها رمضان الدنيا ومعني قرآن صغير، ويعني هيك باحطه تحت الضويا دوب اللي أعرف أقشع الخط وبقراً، وقتها كان حايم ليفي، هاظ كان قائد حرس الحدود في الزمانات.

مُحَد التميمي: [00:29:39]

آها.

مُحَد أَبُو حَبَسَة: [00:29:39]

واستقال من حرس الحدود وعينوه جنرال عينوه إيه مدير السجن، إلا هو جاي هو هم سبع جنرالات كانوا مسؤولين عن إل إيه عن السجن، بتطلع "(إيفوا هو إيفوا هو؟)" بقول وينه وينه وين؟ بقول للحارس للسجان هاظ اللي إيه، قال له: "هيو في الزنانة هاي"، تطلعوا علي تطلع تطلع بقول: "(زي هو؟)"، يعني هاظا هو، "مدوخ الدنيا ومخرب العالم، هاظ هو؟"، قال قال هاظ هو، تطلعوا علي أبصر شو تمتموا وشو سبوا وشو هاظ وراحو، والله بعدها نقلوني على إل إيه أول عالخن، شلحوني أواعي ولبسوني هالبدلة الحمرا هاي وبعدين.

مُحَد التميمي: [00:30:30]

شو شو الحكم اللي نطق في هذيك المحكمة في المحكمة الأخيرة شو الحكم اللي نطقوه الاعدام.

مُحَد أَبُو حَبَسَة: [00:30:36]

إعدام.

مُحَد التميمي: [00:30:37]

بس حكى القاضي إنه إعدام.

مُحَد أَبُو حَبَسَة: [00:30:39]

آه.

مُحَد التميمي: [00:30:40]

ونزلوك على هاي الزنانة.

مُحَد أَبُو حَبَسَة: [00:30:42]

آه، وبعدها ودوني على المخزن لبسوني إل إيه البدلة الحمرا هاي وطلعوني وين؟ على الزنازين زنازين سجن الرملة اللي عالطابق الثاني هاي.

مُحَد التميمي: [00:30:55]

آها.

مُحَد أَبُو حَبَسَة: [00:30:55]

هناك لقيت قدامي زنازين ثلاث زنازين مفصولة عن الزنازين، حطوني في النص، موسى على شمالي، وكوزو اوكاموتو على يميني، موسى جمعة تبع عملية سافوي هاظا.

محمد التميمي: [00:31:10]

نعم.

محمد أبو حبسة: [00:31:11]

كان عشمالي، وكوزو أوكاموتو على يميني، وأنا في النص أجيت، الوحيدين اللي بقينا لابسين البذلات الحمر هاي.

محمد التميمي: [00:31:19]

آها.

محمد أبو حبسة: [00:31:19]

إيه.

محمد التميمي: [00:31:19]

باقي الأسرى كانوا يلبسوا ال إيه اللون البني.

محمد أبو حبسة: [00:31:24]

الأسرى قميصهم كان بني وبنطلون بني.

محمد التميمي: [00:31:29]

نعم.

محمد أبو حبسة: [00:31:29]

وبعدين غيره وصار برتقالي، عرفت كيف والبنطلون بني.

محمد التميمي: [00:31:37]

آها.

مجد أبو حبسة: [00:31:38]
آه، هذيك حمرا حمرا يعني زي إل زي الدم.

مجد التميمي: [00:31:43]
آها.

مجد أبو حبسة: [00:31:44]
آه، فأنا بقول طب أحرق عرضهم وهم بقولوا ديمقراطية وبعد حكم أيخمان فش أحكام إعدام
ومش عارف شو بدهم يعدموني، مع ذيلها بتريح من السجن وبتريح من القتل، آه لا والله ولا
سائل.

مجد التميمي: [00:32:00]
شو كان شعورك لما سمعت كلمة إعدام لما نطق القاضي إنه إعدام.

مجد أبو حبسة: [00:32:06]
ما ما أخذتش فيها لأنه بعرف إنه بي إنه بنزل.

مجد التميمي: [00:32:10]
آها.

مجد أبو حبسة: [00:32:10]
يعني في شباب قبلنا بقوا يحكموهم إعدام وينزل في نفس المحكمة.

مجد التميمي: [00:32:16]
نعم.

مجد أبو حبسة: [00:32:16]
بس الغريب إنه إحنا ما نزل ما نزلش.

مجد التميمي: [00:32:19]
ما نزل.

مجد أبو حبسة: [00:32:19]

أنا عني ما نزلش، موسى الجمعة ما نزلش كوزو أوكاموتو ما نزلش، فا والله قعدت سا كوزو كان خربان لا نعرف نحكي معه ولا هاظا، وموسى بتعرف أتسلى أنا وإياه بس كيف؟ بدك تحط ثمك على باب الباب، لأنه باب صاج فش عندك ولا أي شيء من مقومات الحياة، يعني لا أكل ولا شرب زي الناس لا قهوة ولا شاي ولا دخان ولا إشي، هلا كوزو كان يأمن فقط لواحد في السجن يحكي معه، يقبل يحكي معه اللي هو فوزي النمر الله يرحمه.

مجد التميمي: [00:33:07]

تعيش.

مجد أبو حبسة: [00:33:07]

كان مسؤول سجن الرملة مسؤول الشباب يعني، يعني زي الموجه العام، وإلي لابس زيه يحكي معه، يعني أنا موسى يحكي معنا.

مجد التميمي: [00:33:20]

آها.

مجد أبو حبسة: [00:33:20]

عرفت غير هيك ما يحكيش مع حدا، خلص إيه بأمنش ما يأمنش لحدا.

مجد التميمي: [00:33:33]

مين هو مين هو كوزو أوكاموتو؟

مجد أبو حبسة: [00:33:34]

نعم.

مجد التميمي: [00:33:35]

مين هو كوزو أوكاموتو ما حكيت لي عنه؟

مجد أبو حبسة: [00:33:37]

كوزو اوكاموتو هاز شاب ياباني، إيه لدا صارت عملية سبيننا إيه شباب فتح وفشلت، فهو ومعه أخرى رفيق إله ياباني برضو، قالوا إحنا بدنا نروح نعمل عملية وما تفشلش، هظاك دخلوا عليه كإنهم صليب أحمر ويعني واغتالوهم، وبالفعل دخلوا، دخل كوزو أوكاموتو ودخلوا على مطار اللد ومعاهم هالشنطات بتعرف معاهم هالشنطات كإنهن شو بسموه هاز جيتار.

محمد التميمي: [00:34:26]
آها.

محمد أبو حبة: [00:34:27]
آه وهم حاطين هاز في جواها، بس نزلوا في القاعة، تعرف قاعة مليانة بتبقى، مسافرين وهيك طالعوا الهاظا وبلشوا رش في هالعالم، ظلوا يرشوا لما خلصوا ولا طلاقة ما ظل معاهم، كيف مسكوهم يا أخي شوف قديش هذا الحكي فال72، شوف قديش كانوا اليهود متقدمين أمنياً.

محمد التميمي: [00:34:55]
آها.

محمد أبو حبة: [00:34:55]
عنا إحنا الدول العربية، طيحوا عليهم من السقف كل مربع فالطيار مثلاً كل أربعة في أربعة أو خمسة في أربعة أو الله بعلم كيف في شبكة، تنزل أوتوماتيكي تنزل عليهم شبكات، كيف الشبكات اللي بصيدن هذولا في الغابة، وحملوهم في الشبكات، طبعا هم كانوا مخلصين سلاح يعني.

محمد التميمي: [00:35:21]
آها.

محمد أبو حبة: [00:35:21]
واحد منهم كان مستشهد وكوزو كان مجروح، المهم هو اللي هو اللي مسكوه، في عملية إل عملية مطار اللد، طبعا كوزو أوكاموتو أكل أكل قتل يعني بقول لك جبال بتتحملوش نفس الشيء موسى جمعة، وموسى جمعة بتعرف عملته كيف هو الوحيد اللي ظل طيب من بين الشباب، ولما رفعوا بالونش السقف اللي كان نازل عليه هو كايين كايين يعني متخي في جنب

زاوية في جنب شمعة، لما رفعوا السقف معه دكتريوف؛ الدكتريوف هاذا بتعرف مية وطلقتين
بكون في المخزن تبعه.

محمد التميمي: [00:36:10]
آها.

محمد أبو حبسة: [00:36:10]
حط الدكتريوف وكانوا طبغًا نادوا في السماعات ونادوا فالهاذا خلص ما فش حدا طيب أصلًا
وقصفوا الفندق كله قصف، كانوا كل قيادة الل إيه الجيش قبال الفندق، لإنه وقتها راح يعني
عدد كبير وكلهم قيادات كلهم رتب عالية، حط هالدكتريوف ونزل فيهم حمط خلص المية
وطلقتين، عرفت كيف، ضربه بهذا ضربه كمان قذيفة المه، ومسكوه طبغًا مجروح، لأخرى
هاظ أكل قتل ما بتحملوا جبال، بس خلص الإنسان إله عيشة يا أخي اللي إله عيشة سبحان
الله بده يعيش.

محمد التميمي: [00:37:06]
وانت في الزنازين في بدلة الإعدام إنت وموسى كوزو أوكاموتو إيه أول لقاء معهم، إنت ما كنت
تعرفهم قبل هيك.

محمد أبو حبسة: [00:37:16]
لأ موسى بعرفه.

محمد التميمي: [00:37:18]
موسى.

محمد أبو حبسة: [00:37:18]
موسى كان معنا في كفار يونا.

محمد التميمي: [00:37:19]
نعم.

محمد أبو حبسة: [00:37:21]

آه، بس كوزو لأ يعني أول مرة بشوفه لإنه قبلنا كوزو.

محمد التميمي: [00:37:25]

نعم.

محمد أبو حبسة: [00:37:30]

فا طيب كيف بدنا ندبر حالنا؟ كيف بدنا نسخم؟ كيف بدنا هاظا؟ صاروا ينادوا علينا الشباب، الله يسهل عليهم، المهم فوزي فوزي النمر كيف دبر حاله مع شرطي ما بعرف، يعني إلا يكون له زي ما تقول داله على حدا هيك.

محمد التميمي: [00:37:48]

نعم.

محمد أبو حبسة: [00:37:49]

يوثق فيه أو إشي زي هيك، مودي لنا باكيت دخان وقداحة وبكيت شاي وبكيت سكر، تخيل، هلقيت إحنا أنا وموسى الزنازين تبعتنا صاج بس بفوت منها الصحن الصغير.

محمد التميمي: [00:38:09]

آها.

محمد أبو حبسة: [00:38:10]

أو كاسة الشاي، كوزو الزنازة تبعته قضبان الباب تبعها، فلمين بده يعطيهم رماهن عند كوزو، كوزو أفندي الشباب قالوا لنا هي ودينا لكم كذا وكذا، يعني من الشباك بتقدر تسمعهم بينادوا عليك.

محمد التميمي: [00:38:30]

نعم.

محمد أبو حبسة: [00:38:31]

هي ودينا لكم كذا وكذا، طيب هلقيت ظلينا نستنى لما يجوا يطلعونا يرب بربطونا مع بعض في رجلينا وفي إيدينا، وينطلع في الفسحة اللي هي هاي نص ساعة، طلعنا بقول له: وين ال إيه

السجاير ول؟ إلا هو بقول لي هيك، مدخن سيجارة آه، وعامل كاسة شاي وكابهن في المرحاض، قلت له: الله يقطع أهلك ولك إلنا جمعة بنستفي فيهن وإنت رحت تكبهن في المرحاض!

محمد التميمي: [00:39:14]
خاف ينمسكن عنده يعني.

محمد أبو حبسة: [00:39:15]
مهو كل يوم كانو يجوا يفتشونا، رغم إنه مسكر يجوا يفتشوا، وفش عنا إشي يفوت في الهاظا ويطلع فش مهو فش عنا اشي محنا بنام على جلدة، بطانية فش عنا عرفت، المهم ظلينا على هالمعدل هاظا تيجينا الصبح يعطونا كاسة شاي، وشقفة إيه مرات شقفة جبنة مرات ملعقة تطلي ثلاث حبات زيتون نص بيضة.

محمد التميمي: [00:39:58]
آها.

محمد أبو حبسة: [00:39:58]
وهيك ظل أنا ظليت 6 شهور، 6 شهور أخذوني عالحمكة بعدها.

محمد التميمي: [00:40:08]
6 شهور في سجن الرملة.

محمد أبو حبسة: [00:40:10]
آه في الزنزانه هاي، بعدها أخذونا عالحمكة، هيك بتقول إيه القاضية، بتقو القاضية كانت برتبة عميد اللي تحاكمني.

محمد التميمي: [00:40:22]
آها.

محمد أبو حبسة: [00:40:23]
بتقول: "نظرًا لأن إسرائيل دولة ديمقراطية، وألغت حكم الإعدام بعد أيخمان، فبالتالي رئيس الدولة تكرم يعني أعطاك (حنيناه)" (حنيناه) يعني كيف؟ يعني عفو.

محمد التميمي: [00:40:36]
عفو، نعم.

محمد أبو حبسة: [00:40:37]
آه إيه، "بنزل حكمك من إعدام للمؤبدات يعني بنعطيك هلقيت بنحاكمك عالقضايا"، طيب،
ألو كان رئيس الدولة وقتها إفرايم كاتسير.

محمد التميمي: [00:40:53]
آها

محمد أبو حبسة: [00:40:53]
إفرايم كاتسير هاظا يا أبو الشباب اللي كان مع بن غوريون اللي كان يسمم الآبار اللي بدهم،
اللي الفلسطيين وهم شاردين بدهم يشربوا منها.

محمد التميمي: [00:41:08]
آها.

محمد أبو حبسة: [00:41:08]
تخيل إنت، واحد من من نازي فاشستي يصير رئيس دولة، وينزل عني حكم الإعدام، يا زلة
مفارقات القدر عجيبة غريبة.

محمد التميمي: [00:41:26]
صحيح.

محمد أبو حبسة: [00:41:27]
آه، فقلت هزلت أنا في عقلي يعني طبعا فشي، فبلشت عاد تقول القضية الفلانية عليها مؤبد
والقضية الفلانية عليها مؤبد والقضية الفلانية عليها مؤبد، كلها مؤبدات مؤبدات مؤبدات، في
الآخر بتقول وهذا الحكم يعني حكم مجمع مش متداخل.

محمد التميمي: [00:41:48]

آه.

محمد أبو حبسة: [00:41:48]
المتداخل يعني خلص أكبر حكم بوخذ كل الأحكام.

محمد التميمي: [00:41:53]
نعم.

محمد أبو حبسة: [00:41:54]
آه بس هاظ حكم مجمع، إنت محكوم 25 مؤبد و250 سنة، بيطلع لك على قضايا السنين هاي، والله ما عارف كيف حسبوها، قلت عادي أنا وقتيتها، قلت عاشت فلسطين حرة عربية ومش عارف شو بتعرف.

محمد التميمي: [00:42:10]
كم مؤبد جمعوهم.

محمد أبو حبسة: [00:42:12]
25.

محمد التميمي: [00:42:14]
25 مؤبد.

محمد أبو حبسة: [00:42:15]
و250 سنة.

محمد التميمي: [00:42:16]
و250 سنة.

محمد أبو حبسة: [00:42:23]
آه بعدها ما صدقت مصاديق الله وأنا إيش، وأنا أطلع على بير السبع، هلقيت.

محمد التميمي: [00:42:31]
بعد المحكمة هاي رجعوك برضوا على سجن الرملة.

محمد أبو حبسة: [00:42:34]
خلص بتروحش عطولكرم، عالتوقيف بدك تروح على على السجن المركزي.

محمد التميمي: [00:42:39]
بعد المحكمة هاي.

محمد أبو حبسة: [00:42:41]
آه.

محمد التميمي: [00:42:41]
هاي المحكمة وين صارت في سجن الرملة برضوا.

محمد أبو حبسة: [00:42:43]
كل محاكمي في الرملة.

محمد التميمي: [00:42:44]
كل المحاكم في الرملة.

محمد أبو حبسة: [00:42:45]
آه.

محمد التميمي: [00:42:45]
نعم.

محمد أبو حبسة: [00:42:45]
في الرملة، المحكمة العسكرية في الرملة.

محمد التميمي: [00:42:48]

طيب شو صار بعد ما نطقت الحكم هاظا بعد ما نطقت الحكم هاظا رجعت إنت على زنازين
الرملة صح؟

محمد أبو حبسة: [00:42:54]
على لأ هلقيت رجعوني عالعبار.

محمد التميمي: [00:42:57]
رجعوك على العبارة.

محمد أبو حبسة: [00:42:58]
رجعوني أول إشي على إلى المخزن تبع الملابس هاظا.

محمد التميمي: [00:43:01]
نعم.

محمد أبو حبسة: [00:43:02]
أعطوني الأمانات تبعاتي اللي هن الأوعي المدنية العادية كلهن دم وهيك.

محمد التميمي: [00:43:07]
اللي اعتقلت فيهن إنت.

محمد أبو حبسة: [00:43:09]
آه، حطوهن في كيس بظل معهم مش معي.

محمد التميمي: [00:43:13]
آها.

محمد أبو حبسة: [00:43:13]
مع حرس الحدود وشلحوني البدة هاي ولبسوني بدلة الشاباص اللي هي(شירות بتيه
هسوه)

محمد التميمي: [00:43:23]
آها.

محمد أبو حبسة: [00:43:23]
اللي هي يعني بدلة القميص البني والبنطلون البني هاظا.

محمد التميمي: [00:43:28]
آها.

محمد أبو حبسة: [00:43:30]
آه، ونقلونا وين؟ على على بير السبع.

محمد التميمي: [00:43:34]
نعم.

محمد أبو حبسة: [00:43:35]
بير السبع بتعرف بير السبع كان قاعدة.

محمد التميمي: [00:43:40]
في نفس مواصفات البوسطة طبقًا آه.

محمد أبو حبسة: [00:43:43]
آه.

محمد التميمي: [00:43:44]
وكان في ضرب برضو.

محمد أبو حبسة: [00:43:46]
وقتها ما انضرينتش يا أخي، وقتها طاحوا يتهددوا علي تبعين حرس الحدود وأنا طالع في البوسطة، في بقول لك شغلات غريبة عجيبة بتصير مع الإنسان في السجن.

مُجد التميمي: [00:43:59]
نعم.

مُجد أبو حبسة: [00:43:59]
في شرطي مصري والله لهلقيت بتذكر اسمه، صاروا بدهم يمسكوني يبيلشوا في ضرب، قال لهم: "وقفوا، إذا واحد بمد إيده عليه، والله غير أنا أرفع عليكم دعوى، هاظا أسير عندي بده يطلع من عندي ويوصل بير السبع، ولا واحد بمد إيده عليه".

مُجد التميمي: [00:44:23]
شرطي من تاعون البوسطة.

مُجد أبو حبسة: [00:44:25]
آه، لأ شرطي من السجن.

مُجد التميمي: [00:44:27]
من السجن.

مُجد أبو حبسة: [00:44:27]
شرطي السجن.

مُجد التميمي: [00:44:28]
شرطي السجن هاظا، مصري.

مُجد أبو حبسة: [00:44:31]
هو مصري يعني إيه يهودي مصري.

مُجد التميمي: [00:44:34]
يهودي أصله أصوله مصري.

مُجد أبو حبسة: [00:44:35]
بحكي عربي يعني.

مجد التميمي: [00:44:36]
نعم بحكي عربي نعم.

مجد أبو حبسة: [00:44:37]
آه.

مجد التميمي: [00:44:38]
آه.

مجد التميمي: [00:44:39]
فالهمم طلغوني في البوسطة، ربك حميد البوسطة مليانة.

مجد التميمي: [00:44:42]
آها.

مجد أبو حبسة: [00:44:43]
ملصت من القتلة، ملصت من القتلة.

مجد التميمي: [00:44:43]
نفذت.

مجد أبو حبسة: [00:44:47]
وطحنا في بير السبع طبغًا ملصت من القتلة لأنو إحنا كثار هلقيت بوسطة مليانة، من كل
السجون جايين، وإشي من السجون باقين في الرملة يعني إشي للعلاج إشي لمحاكم هيك، بس
يعني طلعت بوسطة فيها بيجي 25، 20 واحد.

مجد التميمي: [00:45:04]
آها.

مجد أبو حبسة: [00:45:04]

على قول البوسطة، مرات كانوا يحطوني ما فش بوسطة صغيرة، يحطوني في البوسطة الكبيرة، وقلتلك كيف بكون مربوط زي القفة.

محمد التميمي: [00:45:14]

نعم.

محمد أبو حبسة: [00:45:15]

فيسرع يمشي بجوز 120 ويضرب بريك، أبقى في آخر بوسطة أطبل ولا أنا في أول البوسطة وعلى هالمعدل، يعني أبقى قاعد وما في كيف بدى أمسك أنا ما أنا مربوط هيك، كيف بدى فش إمكانية أمسك.

محمد التميمي: [00:45:35]

صحيح صحيح.

محمد أبو حبسة: [00:45:38]

فالمهم يعني بعد ما دخلنا بير السبع، خلص الله فرجها الله فرجها، هلقيت بتصير مرحلة ثانية ومعاناة ثانية، هلقيت بتعرف بدك تخوض مراحل نضالية بلشنا، بلشنا في مراحل النضال وإضرابات مشان نحصل.

محمد التميمي: [00:46:02]

كيف كان سجن بئر السبع، كيف شفتو شو بختلف عن إيه طولكرم والرملة؟

محمد أبو حبسة: [00:46:08]

الناس اللي فيه بختلفوا، الناس اللي فيه كلها مؤبدات.

محمد التميمي: [00:46:12]

نعم.

محمد أبو حبسة: [00:46:13]

فش أحكام صغيرة.

مُحَد التميمي: [00:46:15]
آها.

مُحَد أبو حبسة: [00:46:15]
بعدين صاروا يجيوا لنا أحكام صغيرة في الثمانينات، إيه شباب واعية شباب مضحية شباب فهمانة.

مُحَد التميمي: [00:46:26]
آها.

مُحَد أبو حبسة: [00:46:26]
عرفت كيف، هلقيت الشباب قاعدين يعني بتعرضوا لا لا لإهانات عرفت كيف، يعني مثلاً في إضراب سووه الشباب مشان يحصلوا على يعني على منجزات بسيطة.

مُحَد التميمي: [00:46:49]
نعم.

مُحَد أبو حبسة: [00:46:50]
يعني على زيادة كانتينا مثلاً على إنو يعطونا مخدة.

مُحَد التميمي: [00:46:54]
آها.

مُحَد أبو حبسة: [00:46:54]
بدنا مخدة ننام عليها، فسكروا علينا، وفي بعض الشباب كانوا يشغ يشفلوهم، يشغلوهم في إشي بسموه (الكريخياه).

مُحَد التميمي: [00:47:11]
آها.

مُحَد أبو حبسة: [00:47:12]

يعني زي كيف منجره.

محمد التميمي: [00:47:14]

نعم.

محمد أبو حبة: [00:47:14]

وفلل إيه محل الغسيل والكوي وإل وغرفة كانت خياطة يخطوا فيها أواعي، كان الله يسهل عليه أبو علي بسيسو، فكيف بده هاظا قائد.

محمد التميمي: [00:47:33]

آها.

محمد أبو حبة: [00:47:33]

هلاً اللي بشتغلوا معظمهم من البدو تبعن منظمة سينا العربية هاي، بدو بدو سينا.

محمد التميمي: [00:47:44]

آها.

محمد أبو حبة: [00:47:44]

فإجى عليهم، قال لهم: "اسمعوا، إنتو عرب ولّا شو؟"، قالوا: "عرب"، "إنتو مصريين؟"، قالوا: "نعم صحيح"، قال لهم: "إنتو لّا بشتغلوا شبك دبابات، الشبك هاظا مش بده ينحط على دبابة؟"، قالوا له: "آه"، قال لهم: "لو لو صارت الحرب الطيارة المصرية بدها تمرق من فوق الدبابة هاي بتشوفهاش الدبابة بتقصف الطيارة المصرية"، دخل فيهم من هالجوانب هاي الجوانب الوطنية، إنه إنتو ما بصير تشتغلوا وقفوا هالشغل الكل وقف الشغل.

محمد التميمي: [00:48:29]

آها.

محمد أبو حبة: [00:48:29]

والشباب صاروا يطولوا طبب الخياطة إلی هاي هالقد الطببة هاي الخيطان، ويولعوها ويعملوا عليها شكشوكة، هالبليضة وهالحبة البندورة إلی بتيجي يجمعوها لكل الغرفة ويسووا ويحرقوا

عليها، أجوا لقوا إل الهاظ ما فش أواعي ولا في خيطان ولا في هاظ، فسووا علينا إيش سكروا، سكروا السجن، هلقيت لا في حمام ولا في هاظ ودك يحلقوا لك العشرة يحلقوا لهم بشفرة وحدة، بتلاقي الدم طايح منهم مهشرينهم وتهشير، مرات يحطوا لهم زرنخ على شعرهم وعلى الهاظ، المهم بعدها قول إحنا ملصنا من هاي المرحلة، بقينا مالصين منها، أجت المرحلة الثانية إلي هي إيه صاروا يبطشوا في الشباب يضربوا الشباب.

محمد التميمي: [00:49:28]
هاي اللي هي إدارة السجن.

محمد أبو حبسة: [00:49:31]
آه، يعني بده الواحد يطلع على الرملة على المحكمة ولا على السجن ولا على نقل ولا على إل المستشفى، هي عيادة بس قال بسموها مستشفى، إيه يهدلوه، وفي السجن برضو إذا واحد مثلاً أخطأ أي شغلة يهدلوه، العدد بدك تقوم الصبح نوقف وإحنا مقرمين في هالصقعة بدك تقرمز، عشرة عشرة صفوف ورا بعض.

محمد التميمي: [00:50:05]
آها.

محمد أبو حبسة: [00:50:06]
الغرف هاي فيها 80 واحد.

محمد التميمي: [00:50:09]
نعم.

محمد أبو حبسة: [00:50:09]
وإل في إكسات، الإكس بس في اثنين، فالشباب قالوا إحنا بدناش نوقف، صار زي تمرد يعني، أجي المدير طيب "شو إلي بدكم إياه؟" قلنا له: بتعدونا وإحنا على إل، بفوت مهو بفوت إل الهاظ، وبعدها وإحنا قاعدين، بنقوم بنقعد كل واحد على فراشه يعني، ليش نقوم نقرمز في هالصقع وإحنا حافيين، الواحد فش عنده بابوج، قال: "طيب ماشي، بس يعني ما مطبوش في الشرطة"، هلا وقتها قيادة التنظيم، التنظيم كان يعني بدك تقول إلي قائد السجن تنظيم فتح.

محمد التميمي: [00:51:00]
آها.

محمد أبو حبسة: [00:51:00]
يعني السجن فيه حوالي 550، بدك تقول حوالي 450 فتح.

محمد التميمي: [00:51:08]
هذا أي سنة كانت صرنا في بئر السبع.

محمد أبو حبسة: [00:51:11]
فالسبعينات بداية السبعينات آه.

محمد التميمي: [00:51:14]
نحكي 75 مثلاً هي كانت.

محمد أبو حبسة: [00:51:18]
في ال 75.

محمد التميمي: [00:51:19]
في ال 75.

محمد أبو حبسة: [00:51:20]
آه.

محمد التميمي: [00:51:20]
ما بعد ال 75 يعني.

محمد أبو حبسة: [00:51:22]
آه

مُحَد التميمي: [00:51:22]
75، 76 تقريبًا.

مُحَد أبو حبسة: [00:51:24]
آه، فيا سيدنا العزيز التنظيمات كلها اجتمعت وأخذوا قرار لا رجعة فيه، اللي بسب عليك سب عليه، اللي بيهينك هينه، اللي بضربك أضربه.

مُحَد التميمي: [00:51:42]
من السجانيين.

مُحَد أبو حبسة: [00:51:43]
من السجانيين، بأي شكل لازم تضربه، وإنت مروّح من البوسطة مثلاً ضربوك في الطريق، أول ما تنحل أضربه يا بتضربه في الكلبشات يا لازم يبقي معاك شفرة، تضربه شفرة.

مُحَد التميمي: [00:51:54]
المهم لازم يكون في رد.

مُحَد أبو حبسة: [00:51:59]
آه، الشباب بدها تلتزم، أول شغلة صارت في اثنين أخوة من مروكيين من المغرب، يهود، هذول كانوا شايفين حالهم ويظل يبهدلوا في الشباب، اتناولوهم الشباب في إكسات قسم سبعة، في شب الله يسهل عليه ويرحمه، علي الحلايقة من إيه من بلدة الشيوخ، ومعه مجموعة من هالشباب مسكوهم ظلوا ينطوا في بطونهم، واحد عملوا له قرحة وكسذروه، والثاني انجن من كثر ما أكل ضرب انجن.

مُحَد التميمي: [00:52:44]
آها.

مُحَد أبو حبسة: [00:52:44]
عرفت كيف، طيب هلا أخذوهم بتعرف لما يصير هيك شغلة بقوا يوخذونا، يمشونا يحطوا صف من صف عاليمين وصف عالشمال جيش.

محمد التميمي: [00:52:56]
نعم.

محمد أبو حبسة: [00:52:57]
وحاملين عصي وبدك تمر من بينهم، وإنت وحظك، الكل بده يآجر، وودونا عالزنازين السبع في 60 زنانة.

محمد التميمي: [00:53:10]
آها.

محمد أبو حبسة: [00:53:11]
وفي الليل تلاقيهم جابوا سطولة مية ودشعوها علينا، طيب قلنا بدنا نتحمل، بعدها صار صاروا الشباب يجيبوا حبة البطاطا ويعبوها شفرات وهيكل، وبس يمرق السجان يشمطوه إياها في وجهه، إيه أكمل من واحد وهم مروّحين ضربوا سجانين في إيه شفرات فوجوهم، هلا مرة من المرات اللي نكل فيهم دخلهم وطلع سكر الباب، اللي حلهم هو اللي أكل الشفرة.

محمد التميمي: [00:53:54]
آها.

محمد أبو حبسة: [00:53:54]
فصار الخلاف بين الشرطة نفسهم، يقول له: "يا أخو الفاعلة التاركة إنت ضربتهم وأنا أكلت الشفرة بدالك".

محمد التميمي: [00:54:03]
آها

محمد أبو حبسة: [00:54:03]
فصار يعني حتى الجنود ضجوا، ضجوا إنه إحنا اللي بوكلها مش اللي بضرهم إحنا اللي بنوكلها اللي مالناش دعوة.

محمد التميمي: [00:54:14]

آها.

محمد أبو حبسة: [00:54:14]

عرفت كيف، مهو الشباب أي واحد بدهم يظفروه بدهم يضربوه، هاظ اللي ضرب مهو في البوسطة بجوز يبقى.

محمد التميمي: [00:54:23]

صحيح.

محمد أبو حبسة: [00:54:24]

عرفت، فهاي السياسة كلنا بدنا نتبعها وشو ما صفت تصفي، والمهم إنه نوقف عملية الإهانة والضرب هاي اللي بتصير، والله طاحوا شباب إيه طلبوهم في الآخر يعني ضربوا وقتلوا ومش عارف شو وو، وزنازين وبهدلة وإلى آخره وعقابات وهاظا، شافوا ما فش فايده، الأمور ماشية هيك، فطلبوا الممثل السجن، وطبعًا بتطيح معه لجنة يعني من الشباب عن التنظيمات، فاتفقوا إنه خلص الضرب ممنوع.

محمد التميمي: [00:55:16]

آها.

محمد التميمي: [00:55:16]

طيب بدنا كذا وبدنا كذا طيب، الأحد الجاي، إل مش عارف يوم الأحد يقول له، يروحوا عليه يوم الأحد يقول لهم: "أنا قلت لكم أي أحد، أنا قلت لكم يوم الأحد بس ما حددت إلكمش الأحد الجاي"، صاروا يماطلوا ولك يا عمي إحنا بدنا مخدة وبدنا كاسة نشرب فيها، مش مش هالمعجزة اللي بنطلب فيها، قالوا إضراب الشباب أضربوا الشباب، بعد ما أضربوا والله جابوا المخدة وجابوا الكاسات، كانوا يا زلة يعطونا يجيبوا كاسات اللبن هذي (الإيشل) اللي مريعة.

محمد التميمي: [00:55:56]

آها.

محمد أبو حبسة: [00:55:56]

تشربها تهر في صدرك.

محمد التميمي: [00:55:58]
آها.

محمد أبو حبسة: [00:55:58]
أخرى مش من اللي مدورات الواحد يعرف يشرب منها، جابوا المخدة، طيب بعدها صرنا بدنا فرشاة، المهم أضرنا إضراب حوالي 13 يوم، جابوا لنا فرشاة، بدنا كتب بدنا الجرايد تفوت علينا، بقينا نبدل الدخان مع اليهود قبلنا في سجن لليهود، السبع نصين نص للأمنيين ونص لليهود بس بعاد عنا فش اتصال يعني.

محمد التميمي: [00:56:36]
آها.

محمد أبو حبسة: [00:56:36]
بس الشباب عن طريق المطبخ، بتعرف بقدرنا يشوفوهم فيعطوهم دخان ويجيبوا الجرايد العبري وإحنا نترجمها.

محمد التميمي: [00:56:45]
آها.

محمد أبو حبسة: [00:56:46]
ونسوي نشرات، بعدين هربوا راديو، راديو صغير هربوه ويسمعوا فيه صوت العاصفة، واحد سريع في الكتابة شب أستاذ يعني هو كان أستاذ عربي، إيه يكتب شو بسمع، والصبح يعملوها نشرة ويقروها على السجن، وهيك يعني كانت هلاً داخل السجن، السجن شد حاله، شد حاله بشكل منيح، الشباب يعني رياضة إجباري للشباب الصغار خاصة مش الاختيارية الشباب الصغار.

محمد التميمي: [00:57:34]
آها.

محمد أبو حبسة: [00:57:34]

إجباري رياضة، تدريب كراتيه إيه وهاظ كله ممنوع، جلسات يعني كان توصل أقل شيء خمس جلسات في اليوم، بدك لغات بدك تتعلم لغات غصبًا عنك، اختار اللغة اللي بدك إياها وهي أساتذة، بدك روسي، بدك إنكليزي، بدك عبري، بدك فرنسي كله موجود، إشي يروح يتعلم إسبانيولي، إشي يروح يتعلم فرنسي، إشي يتعلم إنكليزي، بس معظمهم يتعلموا إنكليزي وعبري، إنكليزي وعبري، اللهم صلّ على سيدنا محمد، بعدين بتلاقي إيه الصبح جلسة تنظيمية، وفي الليل في جلسة تنظيمية كمان، ويتخللهم كمان جلسة ثقافة عامة، واللغات ففش وقت يعني عند الشباب كله مليون، ففي هذي المرحلة خرجوا جيل، جيل متعلم ومثقف، وسمحوا لنا وقتها يقدموا توجيهي، فصاروا هالشباب يقدموا التوجيهي إحنا نساعدهم طبعًا إلي انغششهم يعني بالأحرى الشباب يعني فش كتب ولا في هاظا، ظل هاظا الوضع منيح للغاية للغاية ما صارت عملية دلال المغربي، كانت في شهر ثلاث، حملوا صاروا إيه ما شفنا وإلا هم بلموا فينا، لموا 75 واحد قالوا: "هذول هم وجهاء بير السبع بدها تجننا"، وهاي عدوى صارت تنتشر على السجون الثانية على عسقلان وعلى كذا، في عسقلان ما كانوش يصدقوا إنه إحنا عايشين هيك.

محمد التميمي: [00:59:35]

آها.

محمد أبو حبة: [00:59:35]

يعني إحنا يعتبرونا إحنا مرفهين، عسقلان خمس مرات كانوا يوخدوا العدد، يقف الواحد مرات ساعة في العدد، وكيف عسقلان بدك تقوم من الصبح ترتب البطاطين عالمسطرة، ولا ولازم تلبس طاقية وأواعي بتعرف أواعي السجن وبسطار بدك تكون لابس، وواقف على أهبة الاستعداد بس يقول (إصفراه) يعني عدد، بدهم يوقفوا، يضلوا واقفين تخلصوا السجن، متخيل إنت؟ مرات ينقال "(إصفراه حوزيرت)" يعني العدد يعاد كمان مرة يعني طلع في غلط.

محمد التميمي: [01:00:17]

آها:

محمد أبو حبة: [01:00:18]

يرد يوقفوا كمان ساعة، وكان منكليين فيهم يا زلة عسقلان، فلما كنا نلتقي ونحكي لهم إحنا كيف عايشين وكيف هم عايشين ما يصدقوش عرفت، المهم صارت العدوى هاي تنتقل عالسجون، فبقول لك نقلونا على طولكرم 75 واحد، اعتبروها قيادة السجن، من فتح ومن

الجبهة الشعبية ومن القيادة العامة كان واحد معنا القيادة العامة هم كلهم بقوش ثلاثة أربعة، وودونا على بير السبع على طولكرم.

محمد التميمي: [01:01:05]
طولكرم، شو سبب التنقل هاظا.

محمد أبو حبسة: [01:01:07]
نعم.

محمد التميمي: [01:01:07]
عشان عملية دلال المغربي.

محمد أبو حبسة: [01:01:08]
يوم صارت عملية دلال، هلقيت شو على أثرها شو صار؟ حاولوا يدخلوا على الشباب بيهدلوهم.

محمد التميمي: [01:01:19]
آها.

محمد أبو حبسة: [01:01:19]
فقالوا خلص راحت القيادة هلقيت بدنا نستفرد فيهم، الشباب حرقوا السجن.

محمد التميمي: [01:01:28]
نعم

محمد أبو حبسة: [01:01:28]
تخيل، حطوا هالبطاطين ولعوهن، شو صار السجن؟ إشي مخيف، فصاروا يتندموا، اليهود سمعوا، اليهود حرقوا صاروا يحرقوا في السجن، اليهود مات فيها اثنين، فصاروا عاد يرجعوا البعض، مشان يهدّي السجن، يعني هالعقال الختارية اللي هيك، إنه ارجعوا يا عمي رجعوهم على بير السبع خليهم يهدوا الأوضاع.

مُحَد التميمي: [01:02:05]
آها.

مُحَد أبو حبسة: [01:02:05]
والله بعدها بتعرف بعدها صا صار صار تنقلات، ينقلوا جابوا شباب من الرملة على السبع
شباب القدس وعلى عسقلان، ودوا محلهم ناس من السبع على عسقلان، ومن عسقلان
عالسبع، وعلى وفتحوا سجن نفحة، أول ما صار ال إيه فتح سجن نفحة سووا إضراب نفحة
الشهير اللي قعد 33 يوم.

مُحَد التميمي: [01:02:38]
نعم.

مُحَد أبو حبسة: [01:02:39]
هلقيت في هاظ الإضراب يا أبو الشباب.

مُحَد التميمي: [01:02:42]
إنت رجعت على بئر السبع بعد طولكرم.

مُحَد أبو حبسة: [01:02:45]
أنا رجعت على بير السبع بعد سنة ونص.

مُحَد التميمي: [01:02:47]
بعد سنة ونص.

مُحَد أبو حبسة: [01:02:48]
آه، بعد سنة ونص إحنا مجموعة رجعوننا بعد سنة ونص.

مُحَد التميمي: [01:02:52]
على بئر السبع.

مُحَد أبو حبسة: [01:02:53]

على بير السبع، فالهم صار إضراب نفحة.

محمد التميمي: [01:02:58]
صار إضراب نفحة وإنت في بئر السبع.

محمد أبو حبسة: [01:03:01]
آه.

محمد التميمي: [01:03:01]
شو كان سبب الإضراب هاظا؟

محمد أبو حبسة: [01:03:03]
آه.

محمد التميمي: [01:03:03]
شو كان سببه الإضراب؟

محمد أبو حبسة: [01:03:08]
الإضراب يعني على الضيق اللي حطوهم فيه زي علب السردين.

محمد التميمي: [01:03:14]
آها، على ظروف الحياة الصعبة اللي كانت.

محمد أبو حبسة: [01:03:15]
آه، ظروف الحياة الصعبة هاي، هلقيتا كان في مخطط إنه الكل يضرب، طبعا إحنا أضربنا معاهم، أنا في الإضراب في اليوم إل بجوز العاشر أو التاسع أو العاشر والله لا أذكر، كانوا يجيبوا طبيب، طبيب طبيب إيه من أصل يهودي لبناني، كان يجي يحكي لنا أنا درست أنا وجورج حبش في الجامعة اللبنانية، في الجامعة الأمريكية في لبنان، وهاظا اللي أعدم أيخمان حطوه في طنجرة ضغط وسواه فحم وسواه سكن ورماه في البحر، متخيل إنت.

محمد التميمي: [01:04:13]

آها.

محمد أبو حبسة: [01:04:13]

فكلهم فاشيستنا يا زلة، فسيدنا العزيز في إضراب نفحة، نقلوا شباب على سجن الرملة، أنا بالصدفة كيف كنت بقول لك فل إيه أجي الدكتور فتح عيوني هيك، ولّا بقول لهم هاظا احملوه، وهاظا احملوه، هذا حملوه، أربعة خمسة حملونا وعالبوسطة، شو في؟ قلنا للشباب "كلها هاي مناورات نفسية ديروا بالكم تنهموش".

محمد التميمي: [01:04:53]

آها.

محمد أبو حبسة: [01:04:54]

"إحنا فش فينا إشي"، والله يا أبو الشباب إلا بيؤخذوني على بوخذوني على سجن سوروكا على مستشفى سوروكا، سوروكا في بير السبع.

محمد التميمي: [01:05:10]

آها.

محمد أبو حبسة: [01:05:10]

بتعرف سوروكا في يهود وفي عرب بدو وفي هذا، يعني شافونا شو ليش هالمكلبشين هذولا جايين؟ وإلا هم بقولوا يعني صاروا يحكوا مع بعض إنه في "اشفيتاه اشفيتات راعف)" يعني إضراب عن الأكل.

محمد التميمي: [01:05:27]

آها.

محمد أبو حبسة: [01:05:27]

وهذول صارلهم 10 تيام مضربين عن الأكل وقتها كان إلنا 10 تيام، آه، والله يا أبو الشباب، هلقيت صارت المشكلة بين الطبية والجنود اللي معانا، اللي اللي تبعين البوسطة أو تبعين السجن يعني، قال "لازم يظل مكلبش"، قالت له: "طب كيف بدي أعالجه وهو مكلبش؟"، بعد مد وجزر وفي الآخر إيش يعني وافقت إنه اربطوا إيد في السرير، قالت لهم يعني "هاظا إله

10 أيام مش ماكل، طب ما هو بشحط في حالة شحط مش قادر يمشي، يعني بده يهرب، منتو هيكم كم واحد معاه؟" قالوا لها: "هيك الأوامر، بعدين هاظا بتعرفي هاظ (محبيل)، تطلعي الملف تبعه"، أنا الملف تبعي وهاظا كان يسبب إلي أزمة واتبهدل في الطريق لآ اتنقل، من برا حاطين أحمر وكاتبين (مسوكان ميؤد) يعني خطير جدًا، قالوا لها: "شايفة (ميسوكان ميؤد)"، قالت: "(ميسوكان ميؤد) أنا طيببة أنا ماليش دعوة إنتو هيكم بتحرسوه بس أنا بقدرش أعالجه وهو مكلبش".

محمد التميمي: [01:06:50]

آها.

محمد أبو حبسة: [01:06:50]

في الآخر قالوا لها: "طب بنربطه في التخت"، قالت لهم: "اربطوه في التخت"، ربطوا إيد وإجر في التخت، بتقولي: "إنت معاك جفاف مش كاين تشرب مية"، منا جبتها كيف لآ أجي هاظا الطبيب إيه يقول لنا: "اشربوا مية كثير، اشربوا مية كثير"، إحنا قلنا هاظا ما هو بنأمنش، ما كانش عنا هذيك الفكرة يعني ليش نشرب مية كثير.

محمد التميمي: [01:07:24]

آها.

محمد أبو حبسة: [01:07:24]

وأثره لازم الواحد يشرب مية كثير، أنا شخصيًا واللّه ما بجوز ما شربت في الـ 10 تيام بجوز ما شربت لتر، فصار عندي تيبس في الدم، بتقول لي: "إنت بس اللّه كتب لك عمر، إنت مش كاين تشرب، إنت اللّه كتب لك عمر، إنت يعني لحظة بسيطة ولا عندك سكتة قلب قلبك بققع، لإنه دمك متخثر دمك صار بدل ما هو زي المية صار زي الزيت".

محمد التميمي: [01:07:54]

آها، جمد.

محمد أبو حبسة: [01:07:55]

يعني جامد، "فإنت يعني كيف اللّه كتب لك عمر؟"، حطوا لي إيه إبر الكيلو هاي، زي ما تقول أسعفونا، وحملونا أنا وشب من الجبهة الشعبية وشب من جبهة النضال، وودونا على عيادة

سجن الرملة، هلقيت هناك إحنا لّما وصلنا، قعدونا في العيادة هاي، وصاروا بدهم يعطونا بالقوة، إحنا نرفض، يجوا يمسكوك يحطوك على كرسي، وواحد يمسك إيدك اليمين وواحد يمسك إيدك الشمال، وواحد من ورا يمسك راسك، وهذولا من الجروزيم تابعين جروزيا من التابعين الروس هذول اللي كانوا مهاجرين جديد في هظاك الوقت.

مُحَد التميمي: [01:08:57]
نعم.

مُحَد التميمي: [01:08:58]
والواحد فيهم زي العجل طيب هو إحنا قادرين نقاوم، فيجبوا البريش هاظا يحطوه في الأنف، ويدقه يدقه يدقه تيطيحللك الدم من مناخيرك ولّا من إيه ينزل لك إياه، وكاسة كاسة اللبن هاي، يعيبها من السائل هاظا اللي بنحط في الوريد، ويديرها في هالمحقن على معدتك، هلقيت إذا إنت قدرت تراجعها تراجعها، ومرات ما نقدرش نراجعها لإته معدتك فاضية أصلاً.

مُحَد التميمي: [01:09:37]
آها.

مُحَد أبو حبسة: [01:09:37]
فهاظ بالقوة يعني يعطوك إياها شو فيها هاي إل إيه مية وسكر وملح، طيب مشى الإضراب مشى الإضراب طوّل الإضراب، صرت يا مُحَد صدق وآمن بالله الغرفة يعني قد هاي يعني بتيجي بدك تقول أربعة أربعة في ثلاثة هيك، في آخرها في بعيد عنك دورة المياه.

مُحَد التميمي: [01:10:08]
آها.

مُحَد أبو حبسة: [01:10:08]
لّما بدى أروح على دورة المياه، صرنا نشرب مي، مهو مسموح لك تشرب مي، للأمانة لّما بدك تيجي تقوم إذا بتقوم مرة وحدة رأسًا تغمى تقع.

مُحَد التميمي: [01:10:22]

فش توازن.

محمد أبو حبسة: [01:10:23]
فش إمكانيه تقوم مرة وحدة.

محمد التميمي: [01:10:25]
فش حيل أصلاً.

محمد أبو حبسة: [01:10:26]
فش أصلاً حيل، هلقيت بده الواحد يقوم كيف؟ يبقى نايم على ظهره، يصير يتزحزح يتزحزح لما يعرف يقعد، يمسك في الحيط شوي شوي شوي يعني توخذها العملية 10 دقائق عيين تعرف تصلب طولك توقف عالحيط، وتصير تنقل خطوة خطوة عالحيط، متخيل إنت؟ يعني لما بدك توصل الحمام اللي هو بينك وبينه أربع متر أقصى حد إيه بدك ربع ساعة، متخيل إنت، طيب بعد شوية بعد فترة هيك قام صياح وقام اللجة، وقام إيه شو في؟ ولا هم يا أبو الشباب، معطين الشباب تبعين اللي جايبينهم من سجن نفحة عالرملة، حاطين إلهم حليب وكمية ملح كبيره في الحليب، وحاطين البريش بالقوة في حلقهم أو في منخارهم ودائرين الحليب هاظا وين؟ بدال ما يديروه في المعدة داروه في الرئة.

محمد التميمي: [01:11:42]
آها.

محمد أبو حبسة: [01:11:42]
طيب إنت إذا نتفه مية قد نص حبة السمسم بتطيح فيها بتقعد ساعة وإنت تكح، كيف لما يديروا لك إيه كاسة مليانة حليب وملح، فصاروا يتفعلوا زي الصيضان الشباب، اثنين ماتو على الحارك، إلا هو الله يرحمهم راسم حلاوة من غزة وعلي الجعفري من مخيم الدهيشة، وكان إسحاق مراغة من الجبهة الشعبية؛ إسحاق مراغة الله كتب له حياة ودوه على مستشفى رмба أو على مستشفى إل، هاظا شو اسمه؟ أساف هروفيه قريب عالرملة، وعملوا له عملية وطالوا الهاظا من الرئة ونظفوها ومش عارف إيش بس، ورجعوه علينا على سجن الرملة، هلقيت أنا قايم بعيد عنك بدي أروح عالحمام، لما وصلت الباب، الباب صاج بس في طاقة مفتوحة، طاقه يعني بتيجي بدك تكون قد هالتكة هاي هيك بالزبط قد هاي، يعني 12 في 12 أو بتجيش 15 في 15، 15 في 15، يعني هيك طاقة صغيرة.

محمد التميمي: [01:13:00]

نعم.

محمد أبو حبسة: [01:13:01]

سمعت إشي بنين، بنين إنن، إنن، إيه شو هاظا؟ تطلعت شبخ، هلقيت إحنا مش شايفين حالنا كيف إحنا صرنا، بس لما تطلعت فيه شبخ، مين هو هاظا؟ بقول له: مين إنت؟ آآآه، مش قادر يرد، في شباب اثنين من دار أبو سنيينة من إيه كفار سابا من الداخل، أخوة بشتغلوا فيال إيه بشتغلوا بينظفوا بقيموا وبحطوا بوزعوا الأكل وهيكي في العيادة.

محمد التميمي: [01:13:40]

نعم.

محمد أبو حبسة: [01:13:41]

والله ناديت عليه يا إبراهيم يا عبد أجوا، "شو في شو في يا أبو حبسة؟"، قلت لهم: في واحد بنين ورا الباب ولكم تعالوا واحد بنين، تعالوا شوفوا مين هو هاظا؟ والله إجوا ولا هم بقولوا: "هيه، هاظا إسحاق مراغة"، إسحاق مراغة من سلوان هاظ بكون هو جبهة شعبية بكون أخوه لأبو موسى.

محمد التميمي: [01:14:07]

آها.

محمد أبو حبسة: [01:14:07]

وبجي لك في المستقبل كيف سوي وندير حكي في حكي.

محمد التميمي: [01:14:10]

نعم.

محمد أبو حبسة: [01:14:12]

المهم أسعفوه وعاش، عاش سنة، عاش سنة، هلقيت يعني مشان أكمل لك قصته هاظ الزلة بقول لك ما عرفنشي، بعد ما رجعنا عالسبع قعد يعني بجوز أقل من سنة إيه تعب، حملوه

على إل عالعيادة تبعت سجن بير السبع، بعد 10 دقائق ولاً هم بقولوا مات، هم قتلوه، هم الله بعلم، ثاني يوم كان في عنا زيارة، ثاني يوم كان في عنا زيارة، شو شايعين برا، كانت وقتها إيه شغلة أبو موسى والمنشقين.

مجد التميمي: [01:15:00]
آها.

مجد التميمي: [01:15:00]
والعملة وما العملة هاظا أبو خالد العملة وهذول، قالوا: "شباب فتح قتلوه"، أهله واعين، قالوا: "ولا يمكن شباب فتح يسووها".

مجد التميمي: [01:15:14]
مين اللي حكى هيك، إدارة السجن؟

مجد أبو حبسة: [01:15:17]
إدارة السجن طلعت إشاعة برا.

مجد التميمي: [01:15:19]
إنه تنظيم فتح قتل إيه.

مجد أبو حبسة: [01:15:20]
إنه تنظيم فتح قتلوه، أهله بقول لك طلوعوا عاقلين قالوا مستحيل، عرفت.

مجد التميمي: [01:15:30]
نعم.

مجد أبو حبسة: [01:15:30]
هلقيت لآ صارت تدخل الزيارة يقولوا لهم هيك هيك طلوعوا إشاعة يقولوا لهم: "كذابين"، أخذوه من عنا على العيادة، شباب الجبهة الشعبية.

مجد التميمي: [01:15:40]

نعم.

محمد أبو حبسة: [01:15:41]

آه، فبقول لك كيف قصته هاظا الزلة، المهم ظلينا في مستشفى الرملة يعني عيين نتعافى.

محمد التميمي: [01:15:53]

آها.

محمد أبو حبسة: [01:15:54]

وهالشباب داروا بالهم علينا هناك، وكان الله يرحمه ويسهل عليه عمر قاسم، يعني هاظا يعني شو بدى أقول لك كان مضرب معانا هو، بس شعلة هو من الديمقراطية هاظا من المسؤولين الديمقراطية.

محمد التميمي: [01:16:17]

نعم.

محمد أبو حبسة: [01:16:18]

يسوي لنا يحمص إلنا الخبز، ممنوع توكل خبز عادي.

محمد التميمي: [01:16:22]

آها.

محمد أبو حبسة: [01:16:22]

منشان ما يصيرش إمساك وهيك، وشو بدك توكل يحمص إلنا خبزة ويجب إلنا كاسة لبن، كاسة رايب، والمهم داروا بالهم علينا، والشباب ما قصروش كمان إبراهيم وأخوه، لغاية ما تعافينا ورجعوني أنا رجعت عبر السبع، والشباب كل واحد رجع، والشباب المعى رجعوا بير السبع، وبعدين رجعوا تبعين نفحة على نفحة، إحنا آخر اشي ظلينا، يعني فكوا همّ قبلنا بيوم، إحنا ظلينا وأبو علي شاهين كان منفي في نافينه عشطة.

محمد التميمي: [01:17:03]

آها.

محمد أبو حبسة: [01:17:03]

آه ظيلنا كمان يوم، يقولوا لنا "فكوا"، نقول لهم: "ولا بنفك إلا لما نعرف"، قالوا: "السجن فك السجن فكت كلها"، قلنا لهم: "ولا يمكن"، والله ثاني يوم إلا هم مودين أجت ليثا ليثا تسيمل، وعلى فكرة هاي أنقذتنا من الموت فت ففترة من الفترات، يا باي ما أحسنها هاي المحامية يا أخي، وإلا هو جاي جبريل الرجوب، ولا بقول: "أبو حبسة خلص فكوا إحنا فكينا الإضراب وتوكلوا على الله، الإضراب انفك".

محمد التميمي: [01:17:38]

كاين معتقل جبريل الرجوب أيامها؟

محمد أبو حبسة: [01:17:41]

آه، كان معنا.

محمد التميمي: [01:17:42]

كان برضو معكو.

محمد أبو حبسة: [01:17:44]

آه.

محمد التميمي: [01:17:44]

كان برضو معكم جبريل الرجوب.

محمد أبو حبسة: [01:17:44]

كان مضرب.

محمد التميمي: [01:17:46]

نعم.

محمد أبو حبسة: [01:17:46]

بس هو كان من اللجنة اللي بتفاوض.

مُحَد التميمي: [01:17:49]
آها.

مُحَد أبو حبسة: [01:17:50]
عرفت كيف.

مُحَد التميمي: [01:17:51]
نعم.

مُحَد أبو حبسة: [01:17:51]
آه فإحنا ما رضينا ش نفك إلا يعني قلنا لهم إحنا ولا يمكن نفك إلا في السجن اللي طلعتنا منه، رجعوننا على بير السبع إذا في بئر السبع فاكك بنفك، رجعوننا عنفحة إذا نفحة فاكة بنفك، إما هون في المستشفى بنفكش، قالوا: "هذول مجانيين"، فثاني يوم جابوا لنا يعني جابوا لنا جبريل الرجوب، قال: "خلص إحنا فكينا توكلوا على الله فكوا إضراكم والحمد لله عالسلامة"، وسا وسحبوه وراح، فكينا عاد وقتيها دار باله علينا عمر قاسم الله يرحمه وإبراهيم وعبد.

مُحَد التميمي: [01:18:29]
يعني فكيتوا إضراكم وإنتم في عيادات سجن الرملة.

مُحَد أبو حبسة: [01:18:32]
وإحنا في سجن الرملة آه سجن الرملة، في عيادات الرملة عيادة الرملة، هذي رحلة بعدها رجعتنا نفونا على اشتغلوا فينا يا زلة، قسموا السجن طلعتنا من أقسام العرب على أقسام اليهود، ونقلوا اليهود عمحلات ثانية، وإحنا حطونا محلهم، أقسامهم بتخزي، وين إحنا عنا نظافة هذولا بالرة.

مُحَد التميمي: [01:19:06]
آها.

مُحَد أبو حبسة: [01:19:06]

وأقعد من أول وجديد، فأعطونا قسمين، قسمين ظلوا في بير السبع في يعني الأقسامنا القديمة.

محمد التميمي: [01:19:17]

نعم.

محمد أبو حبسة: [01:19:17]

وإحنا نقلونا على الأقسام الثانية تبعت لليهود، فصار عزل ما نشوفش بعض إلا في إذا ممكن وقت الزيارة، تلتقي إنت وواحد من الأقسام الثانية، بعدين ردوا بعد سنة وشوية ردوا رجعونا على الأقسام اللي كنا فيها، ظلينا فيها ل84، نقلونا على الجنيد، الجنيد، ويهولوا عاد قبل بسنة وهم يهولوا في الجنيد، سجن حطينا عليه سبعة مليون دولار، وسجن مركزي وسجن منتزه وفندق مش عارف إيش خبصوا الدنيا، أنا أقول في عقلي والله غير يطلع ألغن من بير السبع، وبالفعل والله هالعبد الفقير اللي قدامك أول إجر دخلت سجن جنيد إجري، تطلعت ولا هو أنو اللي هناك المدير؟ واحد اسمه (زكوتو) من أصل تركي، يهودي تركي.

محمد التميمي: [01:20:28]

آها.

محمد أبو حبسة: [01:20:28]

كان مدير سجن رام الله، ولّا هو بقول لي: "أبو حبسة إنت لهلأ عايش؟"، قلت له: آه عايش، قال لي: "جبنك على منتزه فندق"، قلت له: تنشوف، وهالشباب ورانا طبغًا إحنا سري ورا بعض، وعاملين هيبة يعني كيف حاطين الجنود القوات الخاصة مقنعين وحاملين هالدروع وهالعصي وهل يبيي، شو الدعوة يا عمي ولكم إحنا والله ما بنخاف من هاي المظاهرها، قلت له: يا زكوتو إنت بدك تخوفنا في هذول الولدّة اللي جايب لنا إياهم، محنا سنانا مخلعة، قال: "اطلع يا أبو حبسة اطلع اطلع"، طلعتنا أجي نصيبي أنا في قسم ستة، حرق عرض الما، وتي يعني السجن من برة رخام من جوا سخام، من برة هالورد وهالحداثق وهل يعني هالبني الجديد ونظيف بلاط جديد مش عارف إيش إيه، إيه بس جوا يا أبو الشباب الغرفة نظاف الغرف للأمانة يعني، بس الغرفة اللي بتسع اللي يعني معدل توخذ لها ثمانية حاطين فيها 14، لا زين هالتخوت عاملين حاطين تخوت، تختين فوق بعض طبغًا، يحرق عرضهن الواحد ما يعرفش يمرق، والله أول وجبة كانت وجبة عشا، رجعتها.

محمد التميمي: [01:22:18]
نعم.

محمد أبو حبسة: [01:22:21]
قالوا: "ليش؟"، قلنا لهم: "هاظا هاظا مش سجن هاظا إنتو جايين تخنقونا هون"، قال:
"شو؟"، قلنا له: "(تشيفوت)" يعني ازدحام.

محمد التميمي: [01:22:31]
آها.

محمد أبو حبسة: [01:22:31]
ما في إمكانية نعيش هيك، هذي الغرفة اللي فيها 14 لأ بس 8، شو بتحكي؟ قلنا له إحنا من
بكرة إضراب، قال لا من أولها إضراب، خلينا نتفاهم، والله طاحوا عهالشباب معه ثاني يوم، إيه
كان ممثل المعتقل الله يسهل عليه ويرحمه، مسلم الدوادة شب من حلحول على كيفك.

محمد التميمي: [01:23:02]
نعم.

محمد أبو حبسة: [01:23:02]
الله يرحمه توفي.

محمد التميمي: [01:23:04]
تعيش يا عمي.

محمد أبو حبسة: [01:23:04]
أبو كفاح، إيه نزلوا خففوا يعني ال 14 خلوها 12، يعني ما قاموا الإشي المفروض ينقام يعني
خففوا بس مش اللل إيه المطلوب، طيب بعدها هلقيت في شغلات كثيرة مش مزبوبة، بدنا
نرجع من أول أبو جديد، يا محترم هيك بصير هيك بقى عنا يعني إمكانيات يعني ببير السبع
أحسن من هيك، ليش يعني إنت قاعد بتحشر فينا يعني؟ ما فش إستجابة، قالوا الشباب:
"إضراب"، إضراب إضراب يلا، أضربنا، والله يا أبو الشباب أضربنا وقتيها 14 يوم، أنا خلال
الإضراب هاظا ما أنا دايمًا معثر، صار عندي نزيف في المعدة، صرت بعيد من السامعين لما أروح

على الحمام يطيح دم، فالشباب فش في معانا شباب من عسقلان كانوا، قالوا لي: "يا زلة هاظا نزيّف"، قلت: طب شو بدي أسوي؟ قال: "لازم تروح والدكتور"، راحوا جابوا المرض وورجوه الدم والهاظا، قال لهم: "هاظا معناه صار معه نزيّف يلا عالمستشفى"، حملوني وين فش غير هي الرملة، أخذونا عالرملة، نفس الإسطوانه زي إضراب نفحة، صاروا يعطوني إشي دوا، المهم ما طولش هاظ الإضراب 14 يوم، طيب خلصناهن قعدنا أخرى يومين ورجعوني، رجعوني في البوسطة، إيه لما وصلنا الجنيد معانا شباب صغار من سجن نابلس، يعني بدها تطيحي أنا فالجنيد وتودي الشباب هدولاك على سجن نابلس القديم هاظا.

مجد التميمي: [01:25:28]
نعم.

مجد أبو حبسة: [01:25:29]
اللي من أيام تركيا، أنا لما وصلت الجنيد يوميتها في زيارة الأهل واقفين يعني شايفهم أنا حتى شفت أهلي.

مجد التميمي: [01:25:45]
آها.

مجد أبو حبسة: [01:25:46]
وقفت وصرت أَللم في الشنطة، الشنطة شو فيها؟ فش فيها إشي، فيها غيار وفيها علبة دوا قزاز، إلا هو بقول لي: (شيف) يلي الك وأختك أمك وصار يغلط، قلت له: إني بتقول؟ قال لي: "آه"، قلت له: طيب بنشوف، هيك لأمك، لأختك ما خليتشي، زي ما غلظت علي غلظت عليه، محنا هيك تعليماتنا، هلقيت أنا في إضراب مروّح من إضراب زي الشريطة الواحد بروّح.

مجد التميمي: [01:26:27]
صحيح.

مجد أبو حبسة: [01:26:29]
ولا في قدرة جسدية ولا في امكانية لا مع شفرة ولا معي إشي، معي قنية الدوا، هاي ممنوعة قزاز، حطوا لي إياها بالسرقة الشباب.

محمد التميمي: [01:26:44]
آها.

محمد أبو حبسة: [01:26:44]
هاي منشان المعدة، وتناولت قنية هالدوا وشمطه إياها، لما فتح الباب علي شمطه قنية الدوا، وعينك ما تشوف إلا النور، بتعرف البوسطة ترك يعني بتنزل ثلاث أربع درجات، شحطوني شحط من فوق وقعوني في الأرض وبلشوا فيي ثلاثة حرس الحدود، شوف كيف مفارقات القدر والحظ مرات بلعب بس إلا يوكلها الواحد، في مرقة مين؟ ثلاثة لما شافوهم وقفوا الضرب، بس هم شافوهم بيضربوا في بدعسوا علي بالبساطير.

محمد التميمي: [01:27:26]
آها.

محمد أبو حبسة: [01:27:26]
يعني أجوا يعني هو يعني بقولوا له: "(لأما آتا مريش لأسير ، لأما آتا مريش لأسير)", ليش بتضرب في إله المعتقل، وقفوا وقفوا الضرب.

محمد التميمي: [01:27:42]
آها.

محمد أبو حبسة: [01:27:43]
أنا يعني توسمت إنه هذول ناس كبار، بس من الضرب مش قاشع ولا عارفهم، لو صاحي بجوز ها يعني أتذكر شخصياتهم، قلت له: (أدوني، أي مفاكيش لهيوت عيد شلي) أنا بدي إياك تكون، أنا يعني بطلب منك إنك تكون شاهد معي، أنا بدي أرفع عليهم دعوى هذول ليش بضرخوا فيا؟ هلقيت هم ما شافونيش إني أنا ضربتهم القنية وهيئك، شافوهم وهم بيضربوا فيا.

محمد التميمي: [01:28:17]
صحيح.

محمد أبو حبسة: [01:28:18]
عرفت كيف، ولا هم مين هذول باقين يا سيدي.

مجد التميمي: [01:28:22]
نعم.

مجد أبو حبسة: [01:28:23]
مدير أمن السجون وتوفيق زياد وتوفيق طوي.

مجد التميمي: [01:28:29]
مين توفيق؟ ومين توفيق؟

مجد أبو حبسة: [01:28:31]
هااا

مجد التميمي: [01:28:31]
مين توفيق زياد؟ ومين توفيق الطوي؟

مجد أبو حبسة: [01:28:33]
هذول كانوا أعضاء كنيسة عرب.

مجد التميمي: [01:28:35]
نعم.

مجد أبو حبسة: [01:28:36]
توفيق زياد توفيق طوي، توفيق زياد الشاعر.

مجد التميمي: [01:28:39]
نعم.

مجد أبو حبسة: [01:28:40]
اللي مات هو طايح على أبو عمار صار معه حادث في طريق ربحا.

مُحَد التميمي: [01:28:43]
نعم.

مُحَد أبو حبسة: [01:28:44]
متذكره.

مُحَد التميمي: [01:28:44]
نعم.

مُحَد أبو حبسة: [01:28:45]
آه، فصار عليها، إل إل هذول ال إيه الأهل اللي برة، ما هم شايفينهم بيضربوا في صاروا يصيحوا،
الله أكبر الله السجن من جوا صار يصيح، الله أكبر ويخبطوا عالآبواب شو صارت ضجة اش
مخيف.

مُحَد التميمي: [01:29:09]
نعم.

مُحَد أبو حبسة: [01:29:12]
والله حملوني أجوا هذولاك شردوا تبعين البوسطة شردوا راحوا عسجن نابلس، أنا حملوني
وحطوني في هالغرفة، وقالوا هلقيت بدك ترفع عليهم دعوى، والله شوية ولا هي جاية هالسيارة
فيها شرطة، شرطة مدنيين عاديين يعني، "شو اللي صار معك؟"، قلت لهم: هيك هيك هيك
هيك، طيحووني من البوسطة لا قلت ضربت ولا إشي، طيحووني من البوسطة وبلشوا في ضرب
وهاي اسألوا مدير أمن السجون.

مُحَد التميمي: [01:29:47]
وأعضاء.

مُحَد أبو حبسة: [01:29:48]
وأعضاء كنيسة.

مُحَد التميمي: [01:29:52]

آها.

مُحَد أَبُو حَبْسَة: [01:29:52]

قالوا: "(بسيذر)"، ودعوة ووقع ومش عارف شو، وراحوا، أجوا الشباب أخذوني، أجي وقتيها مسلّم وحملونا وطلعنا، "شو اللي صار معك؟"، قلنا لهم: هيك هيك صار، هيك هيك صار، طيب مشت الأمور عاودت مشت ومشت الزيارة، وزرنا الأهل، وهلقيت أنا كنا يعني كل واحد من هون أهله يتبنوا واحد من اللي برة، من إل يعني الأسرى العرب، أو من الأسرى الفلسطينيين اللي أهلهم في لبنان أو في الأردن أو هيك اللي ملهمش أهل يعني.

مُحَد التميمي: [01:30:31]

نعم.

مُحَد أَبُو حَبْسَة: [01:30:32]

أنا نصيي كان أهلي متبنين شاب يميني.

مُحَد التميمي: [01:30:37]

آها.

مُحَد أَبُو حَبْسَة: [01:30:37]

فلما كانوا يجوا بطلبوا بطلبونا الاثنين أنا واليميني.

مُحَد التميمي: [01:30:39]

نعم.

مُحَد أَبُو حَبْسَة: [01:30:44]

لقيت علي اليميني طايح قبلي، وبعدين نادوا على اسمي وطحت وزرنا زرنا عادي يعني يوميتها، آه طلعنا، بعدها المفاوضات صارت إنه فكينا الإضراب على أسس، اللي هي إعطائنا الطلبات اللي طلبوها، من ضمن الطلبات اللي هي تخفيف التخوت، إيه الراديو ينسمح بالراديو.

مُحَد التميمي: [01:31:23]

آها.

مجد أبو حبسة: [01:31:23]
شغلات يعني الشغلات اللي كنا طالينها يعني وافقوا عليها، وافقوا عليها وقتها كان كان حاييم بارليف.

مجد التميمي: [01:31:33]
آها.

مجد أبو حبسة: [01:31:34]
وزير الداخلية كان آه هيك.

مجد التميمي: [01:31:36]
وزير الأمن الداخلي.

مجد أبو حبسة: [01:31:37]
آه بقى هو، أجي هو وقتها هو اللي أعطى الطلبات هذي اليعني.

مجد التميمي: [01:31:43]
اضا تضامنت معكم في هذا الإضراب ولا بس كان خاص في سجن الجنيد.

مجد أبو حبسة: [01:31:49]
ما هو سجن لأ خاص سجن الجنيد، بسجن الجنيد كان 1000 واحد فيه.

مجد التميمي: [01:31:54]
آه.

مجد أبو حبسة: [01:31:54]
1000 أسير جابوا لنا من عسقلان ومن بير السبع.

مجد التميمي: [01:32:00]
آه.

محمد أبو حبسة: [01:32:00]
فرزوا تبعين غزة ودوهم على عسقلان، وتبعين الضفة اللي في عسقلان.

محمد التميمي: [01:32:06]
جابوهم عالجنيد.

محمد أبو حبسة: [01:32:07]
آه، وجزء من الرملة جابوهم من عنا على على الجنيد، فسجن الجنيد كان فيه 1000 يمكن
ألف ألف وشوية سجن كبير بخوف، ومن هناك تحررنا على فكرة من الجنيد.

محمد التميمي: [01:32:22]
هذا في سنة ال84.

محمد أبو حبسة: [01:32:24]
هذا في ال84، هلقيت في ال85، في ال85 تحررنا في شهر خمسة، شهر خمسة، إيه خمسة
وثمانين، في 5/20.

محمد التميمي: [01:32:37]
ال85.

محمد أبو حبسة: [01:32:37]
واحد رمضان كانت.

محمد التميمي: [01:32:38]
نعم.

محمد أبو حبسة: [01:32:38]
هلقيت.

محمد التميمي: [01:32:39]

قبل، قبل ما أحكي في مرحلة التحرر.

محمد أبو حبسة: [01:32:44]
آه.

محمد التميمي: [01:32:44]
بدي أرجع معك في كل فترة السجون والتنقلات هاي، وحكيت لك أنا على أول زيارة كانت للأهل تلاقيت إنت وياهم.

محمد أبو حبسة: [01:32:55]
الأهل.

محمد التميمي: [01:32:56]
أول زيارة إلك ما بينك وبين الأهل.

محمد أبو حبسة: [01:32:58]
آه.

محمد التميمي: [01:32:59]
بعد، طبقًا طول فترة التحقيق ما كان في عندك زيارات للأهل.

محمد أبو حبسة: [01:33:02]
طبقًا وبعدها بشهرين كمان ما فش.

محمد التميمي: [01:33:04]
وبعدها بشهرين ما فش.

محمد أبو حبسة: [01:33:05]
آها.

محمد التميمي: [01:33:05]

أول زيارة زاروك فيها الأهل، مين أجي من إل من الأهل زارك؟.

مجد أبو حبسة: [01:33:10]
أجي أبوي وخواتي.

مجد التميمي: [01:33:13]
والدك وخواتك.

مجد أبو حبسة: [01:33:14]
وخواتي هلقيت.

مجد التميمي: [01:33:15]
بلغوك بلغوك باستشهاد الوالدة.

مجد أبو حبسة: [01:33:20]
آه بقيت عارف.

مجد التميمي: [01:33:21]
كنت عارف ما حكيت لي عن نقطة إنت كيف من وين عرفت؟

مجد أبو حبسة: [01:33:26]
آه، عرفت من المساجين.

مجد التميمي: [01:33:29]
من زيارات أهالي أسرى ثانيين.

مجد أبو حبسة: [01:33:32]
أسرى ثانيين يعني زي ما تقول وهدم البيت كمان عرفت منا من الأسرى الثانيين اللي بزوروا.

مجد التميمي: [01:33:40]
نعم.

مجد أبو حبسة: [01:33:41]
اللي بزوروا إيه.

مجد التميمي: [01:33:44]
كنت في سجن طولكرم.

مجد أبو حبسة: [01:33:45]
كنت كنت بدي أنا أعطيهم معنويات هم أعطوني معنويات، أول زيارة.

مجد التميمي: [01:33:51]
للأهل.

مجد أبو حبسة: [01:33:52]
هم يعني ولا يهملك ولا تنهم.

مجد التميمي: [01:33:58]
بس هذا أول لقاء بينك وبينهم بعد استشهاد الوالدة.

مجد أبو حبسة: [01:34:02]
وكل شي فداك، عرفت كيف ولا تنهم ولا كذا بس، الواحد محرور من جوا بس بديش أئين أنا
انحریت كثير.

مجد التميمي: [01:34:10]
كيف كيف كان كيف كان وقع الخبر عليك لما عرفت إنه الوالدة استشهدت والبيت إنهد.

مجد أبو حبسة: [01:34:16]
يعني بدي أقلك شغلة، إيه اللي بلغوني شباب كان الله يسهل عليه فاضل يونس، هاظ الشاب
من مؤسسيين البحرية من مؤسسيين البحرية كان قبطان على سفينة مدنية والتحق بالثورة،
وكان خليل أبو زياد هاظ من العيزرية.

مُحَد التميمي: [01:34:40]
آها.

مُحَد أبو حبسة: [01:34:41]
فلما بلغوني يا أخي، انغصيت بدي أعيط، مش قادر أعيط.

مُحَد التميمي: [01:34:51]
الدمعة محبوسة.

مُحَد أبو حبسة: [01:34:52]
انحبست الدمعة، أنا حبستها يعني بالقوة، لإن بتعرف الأم عزيزة.

مُحَد التميمي: [01:35:00]
أكيد.

مُحَد أبو حبسة: [01:35:02]
إيه، وأمّي يعني زي ما تقول، كانت إلها إلها رونق خاص، شخصية قوية، وشعلة، وأقول لك هي من الناس يعني هي وأبوي طبعًا وسيدي أكثر إشي اللي غرسوا فينا جذوة الوطنية، يعني كانت تحكي لي كيف لآ لآ هاجرنا، بتقول لي: "يما خالتك استشهد جوزها، فستك راحت مع خالتك، وأعطتني بناتها"، متخيل إنت، "وابنها" الوحيد قالت: "حاملة أنا أختك في حضني، وخالك على كتفي، وإنت في بطني"، متخيل إنت.

مُحَد التميمي: [01:36:06]
نعم.

مُحَد أبو حبسة: [01:36:06]
وإنت في بطني "وخواتي الثنتين وحدة ماسكة ثوبي من هون، واحدة ماسكة ثوبي من هون، وخالك" اللي هو أخوها، يعني عمره في هظاك الوقت أبو ثلاث أربع سنين، يقول لها: "يهود يختي يهود؟"، تقول له: "يهود"، تقول لي: "الأمانة طلاق تمرق من فوق روسنا ومن جنب ذينينا بس بدناش نموت، إطلاق نار كثيف، وإحنا هارين من ساريس على بيت محسير".

محمد التميمي: [01:36:36]
وماشين في هالوعر الناس.

محمد أبو حبسة: [01:36:39]
آه يا حرام، فيعني كانت تحكي لي كيف المعاناة وكيف، كيف هاجروا، وكيف من بلد لبلد وإلى آخره، مثلاً خالتي هاي ما قولولهاش إنو جوزك استشهد، فسيتي ظلت معها، الأخرية ولدت في الخلا، قطعت سرته بحجر صوان ولفته في إيه خرقتها وحملته وراحت فيه على بيت محسير ومن بيت محسير راحوا على دير آبان.

محمد التميمي: [01:37:05]
اللي هي مين هاي؟

محمد أبو حبسة: [01:37:06]
سيتي.

محمد التميمي: [01:37:07]
ستك.

محمد أبو حبسة: [01:37:08]
سيتي أخذت خالتي، اللي هي أمه لمجاهد اللي بقول لك صاحبي هاظ اللي.

محمد التميمي: [01:37:14]
نعم

محمد أبو حبسة: [01:37:14]
اللي ققطع معانا المصريين.

محمد التميمي: [01:37:15]
نعم نعم نعم.

محمد أبو حبسة: [01:37:18]

أبوه استشهد الليلة وهو ولد الليلة.

محمد التميمي: [01:37:21]
انولد في نفس اليوم اللي استشهد فيه والده.

محمد أبو حبة: [01:37:25]
اللي استشهد فيه أبوه، متخيل إنت، في يعني في 48/4/16، فيعني هاي هاظ، فيقول لك عاد الشباب بعطوكش مجال، الشباب راسًا دشعوا علي يعزوني.

محمد التميمي: [01:37:48]
آها.

محمد أبو حبة: [01:37:48]
دشعوا علي يعزوني، فابدك توقف، بدك تحبس دمعتك وتوقف، بس خلصوا وطلعوا، ربك حميد هيك أجت فورة وقتيها طلعا عالغرة الشباب، أنا رجعت عالغرة حطيت هالبطانية على راسي بدي أعيط بدي يطيح دمة.

محمد التميمي: [01:38:09]
بدك تفضي اللي جواك .

محمد أبو حبة: [01:38:14]
آه ، فالهم مشيت.

محمد التميمي: [01:38:17]
بكيك بكيت.

محمد أبو حبة: [01:38:19]
آه.

محمد التميمي: [01:38:20]
بكيك بكيت.

مُحَد أَبُو حَبْسَة: [01:38:21]
طَبْعًا بَكَيْت، بَكَيْت، بَكَيْت لِإِنَّهُ لَوْ مَا بَكَيْتَش بِجُوز فَقَعْت، هَاي هِي.

مُحَد التَّمِيمِي: [01:38:31]
وَشُو دَار الْحَدِيث بَيْنَكَ وَبَيْن وَالِدِكَ أَوَّل مَا زَارَكَ.

مُحَد أَبُو حَبْسَة: [01:38:37]
يَعْنِي بَس رَفَعَ مَعْنَوِيَات وَاللَّهُ، يَعْنِي يَحَاوَل يَرْفَع مَعْنَوِيَاتِي "وَلَا يَهْمُكَ يَا بَا، وَإِحْنَا عَلَي هَالدَرْب وَأَعْمَامُكَ اسْتَشْهَدُوا وَشُو إِحْنَا أَحْسَنَ مِنَ اللَّي اسْتَشْهَدُوا إِنَّتْ هَيْكَ طَيْبٌ"، عَرَفْتْ كَيْفَ يَعْنِي مَحْمَلِي جَمِيلَةٌ إِيْنِي طَيْبٌ، آه "وَتَخَافُش عَلَيْنَا وَإِحْنَا يَعْنِي وَلَا يَهْمُكَ" وَمِنْ هَالْحَكِي، وَهِي زِيَارَةٌ قَدِيْشْ كَانَتْ مَا هُوَ تَلْحَقُ تَحْكِي عَشْرَ دَقَائِقٍ وَلَا هُمْ يَقُولُوا يَلَا رَوْحُوا، فَيَا سَيِدْنَا الْعَزِيْزِ أَجْتِ إِلَ إِيْهِ الْمِيْعَادِ الِ إِيْهِ تَبَادُلِ الْأَسْرَى.

مُحَد التَّمِيمِي: [01:39:20]
نَعَمْ، بَرَضُو كَمَا نَبْدِيْ أَسْأَلُ فِيْ خِلَالِ طَوَّلِ فِتْرَةِ الْأَسْرِ اللَّيْ كُنْتْ فِيْهَا مَرَّ عَلَيْكُمْ صَفَقَاتٌ؟

مُحَد أَبُو حَبْسَة: [01:39:30]
آه طَبْعًا، مَرَّ، يَا بَابِيْ مَهْوُ يَا زَلَّةٌ إِنَّتْ لَوْ بَدَكَ أَنَا تَحْكِي كُلَّ هَالْتَفَاصِيْلِ هِي بَتِيْجِيْ يَعْنِي بَتْتَدَاخِلُ فِيْ بَعْضِهَا، وَمَرَاتِ الْوَاحِدِ بِشَطْحِ بَس بَتِيْجِيْ مَعْنِيْ هَيْكَ مَعَ بَعْضٍ، يَعْنِي مَثَلًا.

مُحَد التَّمِيمِي: [01:39:46]
آهَا.

مُحَد أَبُو حَبْسَة: [01:39:47]
مَرَّةً بَقِينَا أَنَا وَشَبَّ اسْمُهُ عَمَادٌ يَعْيشُ مِنْ نَابِلِسْ.

مُحَد التَّمِيمِي: [01:39:53]
آهَا.

مُحَد أَبُو حَبْسَة: [01:39:54]

كان في إذا بتتذكر مدير السياحة أو اشي زي هيك بعد ما أجت السلطة، بقينا في الرملة، وإذا بقولوا في الشباب الجبهة الشعبية خاطفين طيارة في عنتيبي، قلنا طيب إن شاء الله خير، هلقيت اليهود يمرقوا علينا الواحد وجهه أسود، ووج كيف بقولوا "بتطخ الذبانه بطلق"، يعني بيحكوا من مناخيرهم، إلهم خاطر يسقطونا.

محمد التميمي: [01:40:41]
آها.

محمد أبو حبسة: [01:40:41]
قلنا لهم: إبدوا يا ولاد ما حدا يستفزههم ولا حدا يحكي، قلت طيب وعنتيبي عنتيبي المهم الصبح قمنا بقوا يفتحوا الأخبار عالساعة ستة ونص، الساعة ستة ونص قرآن وبعدين أخبار يجي في إذاعة إسرائيل بس هي إذاعة إسرائيل بيفتحوها سماعات للسجن كله بتبقى.

محمد التميمي: [01:41:09]
آها.

محمد أبو حبسة: [01:41:09]
قبلها.

محمد التميمي: [01:41:10]
هاي في أي سجن؟

محمد أبو حبسة: [01:41:12]
في سجن الرملة.

محمد التميمي: [01:41:13]
في الرملة نعم.

محمد أبو حبسة: [01:41:16]
آه، ولا هو إل إيه الشرطي هاظ اللي بقول لك عنه هاظ المصري، ولا وهو بغني.

مجد التميمي: [01:41:25]
آه.

مجد أبو حبسة: [01:41:25]
والله لهلقت حافظ الأغنية اللي بقى يغني فيها.

مجد التميمي: [01:41:29]
آه.

مجد أبو حبسة: [01:41:29]
وبهيك برقص بشرح وحالته حالة وبغني "(تسيبور تسيبور تي لاي لاي)" تسيبور يعني عصفور.

مجد التميمي: [01:41:39]
آها.

مجد أبو حبسة: [01:41:39]
يعني العصفور بيغرد ايه، قولت له: عماد قال لي: "آه"، قلت له: فشلت العملية، قال لي: "يخرب بيتك زي الغراب البعيد ما بيحيب لنا إلا الأخبار السيئة"، قلت له: ولك بالعقل، كيف هاظا بقى اسمه جوهر، كيف جوهر بقى امبارح وكيف هلقت بغني (تسيبور تسيبور)؟

مجد التميمي: [01:42:00]
آها.

مجد أبو حبسة: [01:42:00]
شو معناها هاي؟ والله أجت نشرة الأخبار تّرت ولّا ما بقولوا قتلوا الفدائيين وأخذوا الرهائن، كيف صارت هاي العملية؟ حملوا طائرة من هون على عنتيبي، شوف اليهود قديش عندهم يا زلة قديش عندهم قوة، إشي مخيف كاينين همّ شركة سوليل بونيه الإسرائيلية هي اللي عاملة مطار عنتيبي.

مجد التميمي: [01:42:34]
آها.

مُحَد أَبُو حَبْسَة: [01:42:34]

هي اللي بنيتة، فبالتالي كل خرائط مطار عنتيبي عندهم في سوليل بونيه، راحوا المخابرات جابوا الخرائط مطار عنتيبي من السوليل البونيه، طيب جابوا واحد بضخامة عيدي أمين كان وقتيها عيدي أمين، وعيدي أمين كان من الناس اللي مؤيدين للثورة ويعني وإشي محترم، جابوا واحد ضخم زي عيدي أمين كيف صبغوه زي عيدي أمين سووا له مكياج وبدهم سيارة مرسيدس، والله حدثني إياه سبيتاني، قال لي: " لفوا إسرائيل فش سيارة مرسيدس 500".

مُحَد التميمي: [01:43:17]

آها.

مُحَد أَبُو حَبْسَة: [01:43:18]

"وقتها"، ما فشني أجوا أخذوا سيارتي، سيارة مين؟ سبيتاتي هاظا تبع الأجهزة، أبوهم الختیار.

مُحَد التميمي: [01:43:27]

نعم.

مُحَد أَبُو حَبْسَة: [01:43:27]

قال: "أجوا أخذوا سيارته طلعوها في الطائرة وراحت على أوغندا"، حطوا فيها واحد زي عيدي أمين تخيل.

مُحَد التميمي: [01:43:38]

آها.

مُحَد أَبُو حَبْسَة: [01:43:38]

وراحوا عالطار على اعتبار هاظا عيدي أمين، بده يحكي مع إل إيه الشباب اللي خاطفين الطائرة.

مُحَد التميمي: [01:43:51]

آها.

مُحَد أَبُو حَبْسَة: [01:43:51]

فإحنا وقتيها بقول لك أنا من الناس اللي كانوا مطلوبين في هاي ال إيه في هاي العملية، وفشلت، هلاً بعدها صارت أخرى عملية عمليات صار يعني بس كيف صار البنت الجاسوسة الشركسية هاي طلوعوا فيها، إيه طلوعوا فيها اللهم صلّ على سيدنا محمد إيه أبو علي البسيسو، وهذا شو اسمه، بتذكر اسمه، اللي بقى في مكتب الرئيس يا زلة هاظ الشب تنظيم ألمانيا اللي بقوا مع غازي الحسيني، شب مسيحي، طلوعه فيها.

محمد التميمي: [01:44:40]
أبو هديب.

محمد أبو حبسة: [01:44:40]
وبعدها طلوعوا وقبلها طلوعوا شباب من لأحمد جبريل.

محمد التميمي: [01:44:49]
نعم.

محمد أبو حبسة: [01:44:50]
يعني صار كثير تبادل، صار قبلها كمان طلوعوا عالجزائر وصار، بس هاي الصفقة الكبيرة صارت في ال 83، ما طلوعش طلع طلوعوا فيها تبعين أنصار 5000 وشوية، وطلوعوا من عنا 63 واحد، وكان المفروض يطلع حدا أكثر لما عرفوا إنه الطائرات صارت في الجو، سكرنا باب الطائرة وقالوا له: ادخلوا، فالشباب اللي كانوا مطلوبين في جزء منهم وصل المطار رجعوا، رجعوهم.

محمد التميمي: [01:45:22]
آه آه.

محمد أبو حبسة: [01:45:22]
برضو هاي بقينا مطلوبين فيها ما زبطتش.

محمد التميمي: [01:45:25]
كان اسمكم مدرج فيها .

محمد أبو حبسة: [01:45:27]

آه، هلقيت وين زببت في الأخيرة هاي تبعت إل إيه هاظ، هذول ال 8 أسرى كانوا أسرينهم تبعين فتح شباب فتح.

محمد التميمي: [01:45:34]
نعم.

محمد أبو حبسة: [01:45:36]
هلاً وهمّ بوزعوا فيهم عالمواقع، في اثنين طلوعوا أعطوهم لتبعين أحمد جبريل مشان يقدروا يمرقوهم، لإينه تبعين أحمد جبريل كان إلهم علاقة مع الجيش السوري.

محمد التميمي: [01:45:49]
آها.

محمد أبو حبسة: [01:45:49]
عرفت كيف منشان يقدروا يمرقوا شباب فتح، أعطوا 2 تبعين أحمد جبريل أخذوا اثنين وشردوا فيهن على عدمشق.

محمد التميمي: [01:45:57]
الجنود الإسرائيليين الاثنين.

محمد أبو حبسة: [01:45:59]
آه من حظنا، الستة اللي بدلوا فيهن، تبعين فتح طلوعوا زي ما قلت لك هذول تبعين أنصار، ضلوا اثنين هذول أحمد جبريل أصر إلا تطلع لإينه الصفقة كان فيها لازم يطلع 1250 واحد.

محمد التميمي: [01:46:15]
آها.

محمد أبو حبسة: [01:46:15]
جميع المؤبدات، من ضمنهم من 1250 من ضمنهم جميع المؤبدات كان 500 مؤبد.

محمد التميمي: [01:46:24]

نعم.

محمد أبو حبسة: [01:46:28]

آه، فهناي طلعتنا فيها، هلقيت برضو هاي صار فيها، ولا يمكن إلا يصير تنغيص، الصبح هالشباب صاروا ينادوا، هاذا الحكي قبل ما نطلع 15 يوم.

محمد التميمي: [01:46:44]

آها.

محمد أبو حبسة: [01:46:44]

ينادوا، قبلها بقت جايتنا رسالة من أبو جهاد، والله أنا بقرا فيها للشباب، قلت لهم: يا شباب، عاد الشباب لما صارت تبادل في ال 83 بتعرف في السجن وييعرفوش شو التفاصيل.

محمد التميمي: [01:46:58]

نعم.

محمد أبو حبسة: [01:46:59]

صاروا يسبوا ويرحموا ويتعرف يغلطوا.

محمد التميمي: [01:47:03]

انفعلا يعني.

محمد أبو حبسة: [01:47:04]

انفعلا "ليش ما نطلعش يعني إحنا، شو الخلل اللي بصير شو ليش يعني بضحكوا عليكم؟ كيف بتطلعوا الطيارات فل يع مرة وحدة"، الستة مرة وحدة، لازم يعني اثنين اثنين ولا واحد واحد ولا هيك عبين نطلع إحنا يعني، المهم قلنا لهم: مش تصيروا تغلطوا زي المرة هذيك، اللي بطلع بطلع واللي بطلعش إن شاء الله ربنا بطلعه، ومن هالحكي ولا كإني كإني أنا أحكي لنفسي متخيل إنت، والله الصبح صاروا ينادوا على هالشباب تبادل أسرى، يلا فلان اطلع فلان اطلع فلان اطلع يطلع ويسلم علينا وإحنا واقفين ونسلم، والله في شب من ميثلون اسمه جمال ربابعة، وقف بقول لي: "إنت مش طالع؟"، قلت له: ما طلعتش اسمي، في شب من الخليل وقف برح عالارض وصار يبكي، كان آخر واحد، قال لي: "يا زلة أنا أطلع وإنت لأ، وبين صارت

هاي، الله أكبر"، قلت له: يا زلة تيسر روح توكل على الله، والله يا أبو الشباب طلوعوا الشباب، سمعنا إحنا صوت هالباصات وهل هاظا مش شايفين إشي، وأثارهم باقين حاطينهم في الأقسام التحتا إحنا في الطابق الثاني.

محمد التميمي: [01:48:28]
آها.

محمد أبو حبسة: [01:48:29]
والله راحوا الشباب خلص، سمعنا صوت الباصات راحن قلنا الشباب تساهلوا خلص راحت علينا إحنا، والله جابوا لي أنا وقتها علي اليمني هاظا كان رافض يطلع أصلاً لأنه كان محكوم 15 سنة وضايل له سنة قضي 14.

محمد التميمي: [01:48:46]
من مبدأ إنه في غيري أحق.

محمد أبو حبسة: [01:48:48]
آه إنه يطلع واحد مؤبد محلي.

محمد التميمي: [01:48:50]
صحيح.

محمد أبو حبسة: [01:48:51]
يعني ودا رسالة بهالخصوص.

محمد التميمي: [01:48:53]
آها.

محمد أبو حبسة: [01:48:54]
ليرة، قعدوا ال 15 وفوقهن سنة، بحجة إنه إيش فش بلد تستقبله، طيب صارت الدنيا العصر هلقيت جابوا لي ناس عالغرفة محل اللي طلوعوا، من ضمنهم أبو السكر الله يرحمه، تطلع لك على أبو السكر، هدول شروش إيديه من هون هيك هيك يعملوا ينتفضن، أقول له يا ختار

رؤق يا زلة اللي طلعم بيطلعنا تخافش بطلع، يقول لي: "يا زلة إنت بتجابر في ولا بتجابر في حالك"، هلقيت إحنا مش عارفين شو التفاصيل، وأثريه كايين من ضمن التفاصيل المؤبدات هذول اللي مقضي فوق العشر سنين بطلع واللي مش مقضي فوق العشر سنين ما يطلعش، أبصر شو في يعني شغلات ثانية يعني في الاتفاق، المهم أبو سكر ما طلعمش بقى أبو السكر يعني إله بجوز إيه خمس ست سنين وقتها، أو سبع سنين يعني المهم هيك يعني مش واصل العشرة.

مُحَد التميمي: [01:50:16]

نعم.

مُحَد أبو حبسة: [01:50:19]

آه في شباب زي هيك كمان، في شب من دار الدردورك، أخوه طلع وهو رجع كمان طلعه معانا ورجعوه، العصريات ولا هو جاي هالشرطي، ولا هو بقول: "أبو حبسة"، بقول له: آه، بقول لي: "لف لم أغراضك لم أغراضك"، اسمه نزيه، بعرفه من أيام سجن رام الله، قلت له: نزيه إنت ما إنت عارفين مجنون، قال: "بعرف بعرف بعرف"، قلت له: أكم مؤيد أنا ميخذ؟ بحطك فوق هالمؤبدات، تلعب في أعصابنا دشرك من هالشغل هاظا الفاضي قلة حيا بدهاش.

مُحَد التميمي: [01:51:00]

هددته يعني.

مُحَد أبو حبسة: [01:51:02]

آه، قال لي صار يلطم، قال لي: "يا زلة كل الدنيا مقلوبة عشانك، كل الدنيا مقلوبة عشانك، مسؤول الصليب الأحمر في الشرق الأوسط أجى عشانك"، ايه قلت ولك شو بتحكي؟ قال لي: "بس قوم لم أغراضك"، والله الشباب قالوا لي: "يا زلة توكل على الله، لم أغراضك بلكي هاظ، هو شو بده يضحك عليك نزيه يعني طز طاخ"، والله بالفعل لميت أغراضي ونزلنا، هي ولا الشباب مش طالعين، أجوا تبعين الصليب الأحمر واللجنة الموجودة كان جبريل وأبو طير ومسلّم وهالشباب هذول، "وقّع"، على إيش أوقع، ولك أنا عمري ما وقعت، قال: "وقع إنه ما عمركش تعيدها يعني إذا بترجع السجن بتوخذ حكم وتوخذ مش عارف شو"، قلت: بوقعش، قالوا لي: "يا زلة وقع خلصنا"، وقعت، هلقيت لما دخلت عالساحة أجاني تبع الصليب الأحمر قال لي: "إنت من وين؟"، قلت له: أنا من القدس، سكان إيه قلنديا، قال لي: "يعني معاك هوية؟"، قلت له: آه، قال لي: "اسمع اللي معه هوية بحق له يطلع هون"، شوف ما

أشطر أحمد جبريل "اللي معه هوية بحق له يطلع هون، بتحب تطلع برة اختار البلد اللي بدك تطلع عليها، بتحب إذا معك هوية بتحب تطلع هون اطلع هون"، قلت له: أنا بطلع هون.

محمد التميمي: [01:52:33]

آها.

محمد أبو حبسة: [01:52:33]

الشباب اللي حولي صاروا يلطموا، قالوا لي: "مجنون"، قلت لهم: ولا مجنون ولا حاجة، إحنا جوا كان في تنظيم مسؤول عنا، إحنا هلقيت كل واحد مسؤول عن حاله، قالوا لي: "ولك برجعوك عالسجن"، قلت لهم: ارجع اللي طلعتني هالمرة بطلعتني كمان مرة، "ببهدلوك بجوعك بيقيموا"، قلت لهم: إحنا في عندي كرم لسيدي بدي أروح أوكل ورق شجر غيره، المهم بدي أطلع هون، تطلعت يا زلة شباب محكومين 15 مخلصين 12 مسجلين برة، شباب معظمها برة ومعهم هويات، سجلت جوا، هالقيت لما شافوني الشباب اللي كانوا مسجلين برة تحمسوا، قالوا للصليب بنقدر إحنا نغير، قال لهم: "آه بتقدروا"، غير غير يعني شباب عدد كبير غير، إنه يطلعوا جوا معهم هويات، والله يا شباب قعدنا حوالي 16 يوم بالزبط في الساحة وإحنا نستنى.

محمد التميمي: [01:53:56]

في الساحة.

محمد أبو حبسة: [01:53:57]

آه.

محمد التميمي: [01:53:58]

بعد ما إنه بعد ما خبروكم على الإفراج.

محمد أبو حبسة: [01:54:01]

وخلصنا كل شي.

محمد أبو حبسة: [01:54:02]

وخلصت كل الإجراءات.

محمد أبو حبسة: [01:54:03]
والصليب سجلنا وكل الإجراءات تمام، بعدين بعد 16 يوم أجوا.

محمد التميمي: [01:54:07]
بس الورقة اللي سجلت اللي وقعتوا عليها شو كانت تتضمن يعني غير إنه ضمانات هيك.

محمد أبو حبسة: [01:54:13]
والله ما قررتها بس إنه من ضمنها يعني إنه ما يرجعش الواحد يشتغل ضد دولة إسرائيل.

محمد التميمي: [01:54:17]
كان في عليها كان فيها تتضمن إقامة جبرية عليك.

محمد أبو حبسة: [01:54:21]
لأ.

محمد التميمي: [01:54:21]
ما كانت عليها إقامة جبرية.

محمد أبو حبسة: [01:54:23]
لا لا لأ.

محمد التميمي: [01:54:24]
نعم.

محمد أبو حبسة: [01:54:26]
فيا سيدنا العزيز أجين الباصات وهلقيت بدنا نطلع.

محمد التميمي: [01:54:30]
نعم.

محمد أبو حبسة: [01:54:31]

الأهل يا حرام كانوا عارفين بستنوا في نابلس وحوالين الجنيد وهاظ وبعدين يثسوا، قالوا لهم: "ما ما فيش طلعة، طلعوننا إحنا في باص باتجاه راس العين يعني بدال ما يمشوا طريق نابلس القدس، رجعوننا لورا وطلعوننا طريق راس العين وجابونا على طريق اللطرون.

مجد التميمي: [01:54:58]
آها.

مجد أبو حبسة: [01:54:59]
هلقيت، هلقيت أنا صرت فعلاً أتوغوش، وقتيش صدقت إنه خلص إحنا بدنا نطلع لآ وصلنا إيه بيت عور، لآ وصلنا بيت عور معنا جمال إيه جمال منصور.

مجد التميمي: [01:55:24]
آها.

مجد أبو حبسة: [01:55:24]
لآ وصلنا مدرسة صفا مدرسة إيه بيت عور هاي لصفا ولبيت عور يعني مشتركة، قال له: "نزلي هون" للهاظ نزله، ظليت أتطلع عليه لآ قطع، قلت: والله قطع في حد، هلا في الطريق نشوف جبال يعني دوريات جيش.

مجد التميمي: [01:55:48]
آها.

مجد أبو حبسة: [01:55:48]
هان 5 هان 10 هان عالطرق في جيش، نقول شو هذا، لآ وصلنا المثلث بيت عور اللي بروج على بيت لقيانا كان معنا أخرى شب اسمه حميد ومعاه أخرى واحد نزلوهم وين عالثلث، مثلث بيت عور، قالوا: "إحنا هون بلدنا بدنا ننزل هون"، والله بالفعل نزلوا في بيت عور، والله معناها الأمور زبطت، مشينا.

مجد التميمي: [01:56:16]
كان كان أي يوم بالزبط هاض التاريخ.

مُحَد أَبُو حَبْسَة: [01:56:19]
كان 85/5/20، واحد رمضان.

مُحَد التَّمِيمِي: [01:56:24]
واحد رمضان.

مُحَد أَبُو حَبْسَة: [01:56:26]
آه، واحد رمضان.

مُحَد التَّمِيمِي: [01:56:28]
كنتو صايمين.

مُحَد أَبُو حَبْسَة: [01:56:30]
آه، صايمين لِيْني أفطرت هان أنا بقول لك هلقيت بقول لك كيف.

مُحَد التَّمِيمِي: [01:56:35]
آها.

مُحَد أَبُو حَبْسَة: [01:56:35]
اللهم صلّ على سيدنا مُحَمَّد بعدها طيحوا زياد أبو عين عند سيلفانا.

مُحَد التَّمِيمِي: [01:56:46]
آها.

مُحَد أَبُو حَبْسَة: [01:56:47]
والله معناها الأمور كويسة هلا في الطريق كمان فكوا لنا الكلبشات.

مُحَد التَّمِيمِي: [01:56:51]
فكوكو الكلبشات جوا الباص.

مُحَد أَبُو حَبْسَة: [01:56:59]

آه، هلاً مشينا أنا وين طيحووني يعني من سيلفانا لقدام شوية، وهالناس على هالبرندات عارفين إنه هاظا ويصيحووا وكبروا وهيك، طحت طحت أنا ومعاي شب صغير كان محكوم 15 سنة مش مقضي غير سنة.

محمد التميمي: [01:57:23]
آها.

محمد أبو حبسة: [01:57:23]
من حظه طلع في الصفقة، هيو بشتغل في المحافظة اسمه موفق.

محمد التميمي: [01:57:31]
آها.

محمد أبو حبسة: [01:57:31]
طيب طحنا والله يا أبو الشباب أجت هالسيارة كبشتنا ها، قلنا والله هذول يمكن من روابط القرى ولا جواسيس ولا ولا بيشتغلوا مع اليهود ولا مخبرات ولا أبصر شو بدون لا دستور لا كبشونا وخطونا في السيارة يا زلة إيه ولكم شو إنتو يا عمي، قالوا "يا عمي أهلا وسهلا والحمد لله عالسلامة" ومش عرف إيش، ها تريحنا شوي، حملونا لوين لعند المنارة.

محمد التميمي: [01:57:58]
آها.

محمد أبو حبسة: [01:57:59]
عند المنارة طحنا باب محل قريب إلنا محل نوفتيه معرض النصر هاظ.

محمد التميمي: [01:58:04]
نعم.

محمد أبو حبسة: [01:58:05]
اللي جنب أبو العسل، والله ولا في شب من عنا من المخيم هجم عليّ مباوسة والله أنا ناسيه، إيه بتعرف سنين هاي، "يا أبو حبسة يا حبيبي يا، اطلع اطلع اطلع اطلع" والله طلعتنا،

طلعنا معه وصلنا ووصلنا لهان عباب المخيم، طحنا وين؟ عند القهوة هاي وين سوبر ماركت السريسي هاظا هناك.

محمد التميمي: [01:58:38]
عند الجامع الرئيسي تقريبًا.

محمد أبو حبسة: [01:58:40]
لقدام شوي.

محمد التميمي: [01:58:41]
لقدام شوي نعم.

محمد أبو حبسة: [01:58:41]
هناك في قهوة في صاحب القهوة كان صاحبي الله يرحمه، اطلع أنا بتعرف أوعي كاتات اللي في الأمانات، كلهن دم وهيك وخرينات مكرکش الدم عليهن وخرينات ممعتات وخرينات بلبسنش يعني.

محمد التميمي: [01:59:00]
أعطوك إياهن يعني.

محمد أبو حبسة: [01:59:01]
ما أخذتهنش شو بدي فيهن.

محمد التميمي: [01:59:03]
بس قصدي سلموك إياهن في الأمانات.

محمد أبو حبسة: [01:59:04]
آه خرينات.

محمد التميمي: [01:59:05]
نعم.

محمد أبو حبسة: [01:59:06]

فجابوا لي بنطلون كيف البرمودا، برمودا لهان تحت الركبة بشوية ولونه أصفر فاقع مقزمت يعني إشي بيضحك، وقميص طايح عليه زي اللي لابس ثوب أبوه، تطلع عليّ هيك، ولّا بقول: "هي الأسرى رّوحوا، الأسرى رّوحوا"، بتطلع في أنا بلحية عاد لحيتي طويلة، ولّا هو بقول: "مين؟ محمد؟"، من لداوي هو، وهجم علي يا حرام، هجم علي مباوسه وهيك.

محمد التميمي: [01:59:43]

مين كان معك من مخيم قلنديا من الأسرى كان في حدا ولّا بس لحالك.

محمد أبو حبسة: [01:59:47]

آه كان، لأ طلع معاي أخرى اثنين.

محمد التميمي: [01:59:49]

جيتوا إنتو الثلاثة مع بعض على المخيم.

محمد أبو حبسة: [01:59:52]

طلع معاي أمجد العمري ويوسف عبد الحميد.

محمد التميمي: [01:59:55]

دخلتوا على المخيم مع بعض.

محمد أبو حبسة: [01:59:57]

لأ .

محمد التميمي: [01:59:57]

في هذاك.

محمد أبو حبسة: [01:59:57]

لأ همّ لحال وإحنا همّ في باص ثاني كانوا.

محمد التميمي: [01:59:59]
في باص ثاني، نعم.

محمد أبو حبسة: [02:00:00]
بعدين أجوا عندي تجمعنا فالدار هان، المخيم كله فزع هان عندي، فيا سيدنا العزيز راح بسرعة تناول قنية عصير، وقال لي: "أكيد صايم أفطر أفطر"، أفطرت.

محمد التميمي: [02:00:16]
كان كان مخلص أذان المغرب يعني كان.

محمد أبو حبسة: [02:00:19]
آه كان مخلص الأذان.

محمد التميمي: [02:00:20]
ليل الدنيا.

محمد أبو حبسة: [02:00:21]
آه، أنا حطيت إجري وهو بقول الله أكبر.

محمد التميمي: [02:00:26]
لأذان المغرب.

محمد أبو حبسة: [02:00:26]
أذان المغرب.

محمد التميمي: [02:00:27]
نعم.

محمد أبو حبسة: [02:00:28]
والله بتذكرها، آه فالهم جاب لي لأفطر، تطلعت ولا أبويا حرام طالع حافي، من الرهقة طالع حافي وبالسر والسر والهاظا إل إيه بتعرف الفلاحي هاظ.

مجد التميمي: [02:00:43]
أكيد أكيد.

مجد أبو حبسة: [02:00:47]
وهجم علي يا مسكين، هلقيت إلي ابن خالة، أخوه لمجاهد.

مجد التميمي: [02:00:52]
نعم.

مجد أبو حبسة: [02:00:53]
ينط وركض يروح على أخوي، أخوي ساكن في كفر عقب.

مجد التميمي: [02:00:58]
آه.

مجد أبو حبسة: [02:00:58]
هاظا أخوي هلقيتا اللي كان سجين معي.

مجد التميمي: [02:01:03]
اللي اللي اعتقلوه معاك.

مجد أبو حبسة: [02:01:04]
آه هلقيت بروفيسور هاظ.

مجد التميمي: [02:01:06]
آه، ما شاء الله.

مجد أبو حبسة: [02:01:07]
بروفيسور عايش في أمريكا، آه، فيا سيدنا العزيز.

مجد التميمي: [02:01:13]
بس على على ذكر أخوك في في طول فترة سجنك ما تلاقيت إنت وياه.

مجد أبو حبسة: [02:01:17]
لا التقينا، التقينا في بير السبع إيه حوالي سنتين.

مجد التميمي: [02:01:24]
آه عاش معك سنتين في بئر السبع.

مجد أبو حبسة: [02:01:28]
آه، أو أقل شوية يعني أقل شوي.

مجد التميمي: [02:01:30]
لإنه هو انحا هو قضي 3 سنين في السجن.

مجد أبو حبسة: [02:01:33]
آه بس لما أخذونا عطولكرم هو ضل في بير السبع.

مجد التميمي: [02:01:37]
وطلع من هناك.

مجد أبو حبسة: [02:01:38]
وهو اللي صار يترجم للصليب الأحمر وهو اللي.

مجد التميمي: [02:01:41]
آه.

مجد أبو حبسة: [02:01:42]
وطلع وأنا ما شفتش يعني لما طلع.

مجد التميمي: [02:01:44]

نعم.

مُحَد أبو حبسة: [02:01:44]
بس طلع برضو بقتلة، طلع أجي عليّ بعد شهرين وراي إيديه آثار البرابيش والهاظا على كتافه
وعلى إيديه بعد شهرين.

مُحَد التميمي: [02:01:58]
أجاك زيارة.

مُحَد أبو حبسة: [02:02:00]
آه، كان صاير مش بقول لك إيه صار مشاكل معاه هذول الشباب وحرقوا السجن وهيك.

مُحَد التميمي: [02:02:06]
أيوة أيوة صحيح.

مُحَد أبو حبسة: [02:02:07]
هو وشب اسمه عمر جعارة هيو هلقيت دكتور في جامعة النجاح.

مُحَد التميمي: [02:02:11]
نعم.

مُحَد أبو حبسة: [02:02:15]
بدهم يفوتوهم على الإكسات بالقوة مرضوش، ففوتهم بالقتل قطموهم.

مُحَد التميمي: [02:02:23]
آها.

مُحَد أبو حبسة: [02:02:24]
بعدين أخذوهم عالزنازين، أجي مدير السجن كان اسمه (آشري جرافوا) من حقد الحاقدين،
قال له: "يا عدنان، ولك إنت ضايل لك 3 تيام بتروّح، إنت حمار، بتعرفش إني أنا بقدر أحطك
كمان 3 تشهر و6 تشهر؟"، قال له: "طرز يعني شو يعني حطني أخرى 3 تشهر و6 تشهر شو

يعني؟"، قال له: "يعني ما بدك تروّح؟"، قال له: "إذا بدّي أروّح بروّح بس إذا بدك بدك تردّ تحبسنّي احبسنّي شو يعني مش فارقة عليّ يعني"، فبقول: "هذول مجانيين".

مجد التميمي: [02:03:00]

ها.

مجد أبو حبسة: [02:03:00]

بس ميكل قتل بقول لك بعد شهرين أجي زارني هذول إيديه.

مجد التميمي: [02:03:05]

معلومات.

مجد أبو حبسة: [02:03:07]

أزرق أزرق، الزراق لحد بقلك بعد شهرين، فبقول لي: "الساع لو أشلح أوريك ظهري بتنجن" المهم.

مجد التميمي: [02:03:15]

المهم تلاقيت إنت والوالد في وسط المخيم.

مجد أبو حبسة: [02:03:19]

آه، بس شو كان لقاء حار، وياحرام أبوي هيك بده يعيط من الفرحة ويحضن في، هلقيت أخويا ومعاه ابن عمي لما طلع ابن خالتي هاظا ناداهم من كفر عقب، ما كانش تليفونات زي اليوم ولا.

مجد التميمي: [02:03:43]

آه.

مجد أبو حبسة: [02:03:43]

ولّا همّ جاين حتى في الطريق باقيين بدهم يسووا حادث يعني السيارة ماشي على عجلين من السرعة.

محمد التميمي: [02:03:48]
من السرعة.

محمد أبو حبسة: [02:03:51]
آه أجوا وهجم لك المخيم هانا، شهر كامل ما أقدر أطلع من الدار، بالقوة مرة واحد أخذني بالقوة
في سيارته على الأقصى، مرة وحدة، طيب ورجعنا بتعرف.

محمد التميمي: [02:04:13]
شو شو أوصف لي مشهد الأقصى يعني.

محمد أبو حبسة: [02:04:15]
كيف.

محمد التميمي: [02:04:15]
أوصف لي مشهد الأقصى؟

محمد أبو حبسة: [02:04:17]
يعني الأقصى ما إنت عارف يعني يعني في إشي روعي بشدك.

محمد التميمي: [02:04:23]
نعم.

محمد أبو حبسة: [02:04:23]
بعدين أصلاً القدس مجرد ما تدخل باب العامود، بتشعر في أنوار غير عادية غير إل إيه الحياة
اللي برة.

محمد التميمي: [02:04:33]
نعم صحيح.

محمد أبو حبسة: [02:04:34]
القدس إلها أنوار خاصة.

محمد التميمي: [02:04:36]
أكد.

محمد أبو حبة: [02:04:37]
فما بالك لما تدخل المسجد الأقصى؟ بتشعر بطمأنينة وارتياح وفي نفس الوقت بتشعر بغصة،
إنه هذا الأقصى أسير.

محمد التميمي: [02:04:52]
آها.

محمد أبو حبة: [02:04:52]
يعني هيك كان شعوري، كان مليون، كان يوم جمعة، مليون وما قدرناش نفوت حتى على
الأقصى صلينا تحت الشجرة.

محمد التميمي: [02:05:05]
آه.

محمد أبو حبة: [02:05:06]
بقول لك الناس عاد بتعرف إلنا أصدقاء كثير وأحباب زي أفضالك.

محمد التميمي: [02:05:10]
الله يخليك أكد.

محمد أبو حبة: [02:05:12]
والله يا أخي بدي أقول لك شهر كامل من جنين لرفح، كلها أجت هون، وبعدين هالشباب كل
يوم يذبخوا ويسلخوا ويطعموا الناس، يعني من ثاني يوم أجوا، الله يرحمك يا بشير جاب ذبايح
وذبح وطعما الناس، ويعني بدي أقول لك قعدنا هلقيت هاي الجمعة المشمشية بعدين بدنا
هوية، هيا الكرت لهلقيت معي، يعطوك أسبوع، تمشي عليه ورقة.

محمد التميمي: [02:06:08]

إنت هويتك ظلت موجودة عندهم.

مُجد أبو حبسة: [02:06:11]

أه ولا، أعطونا ورقة، تمشي عليها أسبوع بعد أسبوع بدك تروح تجدددها، وبعدين في هالشغلة، بعدها أعطونا هوية خضرا، هوية خضرا وين ما انمسكت بدك تتبهدل معروف يعني، طيب وبعدين، ببعدين قالوا: "اسمع أي هي مطوَّلة معاك، إنت عليك إقامة جبرية حبس منزلي في البيت".

مُجد التميمي: [02:06:54]

هذا بعد شهر؟

مُجد أبو حبسة: [02:06:55]

بعد حوالي شهرين ثلاث.

مُجد التميمي: [02:07:00]

آها.

مُجد أبو حبسة: [02:07:00]

بدك تقول، هن اللي شفت فيهن وجه ربي هالشهرين ثلاثه، صحيح بقوا يعطونا أسبوع بس خلاله تتحرك رحت جوا يعني ورحت عالداخل، ورحت زرت صحابي وأقاربي و.

مُجد التميمي: [02:07:14]

هلا بالأساس كانت إيش هويتك هي كانت زرقا هويتك بالأساس.

مُجد أبو حبسة: [02:07:17]

لا هوية ضفة حمرا الزهرية هاي.

مُجد التميمي: [02:07:22]

آه طب شو الهوية الخضرا.

مُجد أبو حبسة: [02:07:24]

الهوية الخضرا هاي ببقوا كاتيين فيها ممنوع دخول إسرائيل.

محمد التميمي: [02:07:30]

نعم.

محمد أبو حسنة: [02:07:31]

عرفت كيف لو بعرف كان حضرت لك إياها تشوف كيف إيه، هل هذا معروف إنه يعني هاظا عليه إكس.

محمد التميمي: [02:07:45]

نعم.

محمد أبو حسنة: [02:07:47]

كانت ما كانتش هاي الخضرا زي اللي معنا هلقيت كانت الهوية الزهرية، وهاي الخضرة خلص معروفة يعني، طيب هلقيت بدنا نقعد في الدار، هلقيت يعني خاصة بعد الإنتفاضة لما صارت الإنتفاضة، هون صارت المعاناة، يعني أول بقتيش حاس فيها.

محمد التميمي: [02:08:16]

آها.

محمد أبو حسنة: [02:08:16]

وأطلع أزرُق عرام الله وأزرُق عالقدس مرات هيك مع هالشباب، بس بعد ما صارت الانتفاضة، يعني ربطونا تربيط، صاروا وين ما إذا مسكوني عالنقب أو على الخيام تبعات رام الله هذول أو على الفارعة.

محمد التميمي: [02:08:39]

قديش استمرت الإقامة الجبرية.

محمد أبو حسنة: [02:08:41]

8 سنين.

محمد التميمي: [02:08:42]
8 سنين.

محمد أبو حبسة: [02:08:43]
لل 93 ظلت.

محمد التميمي: [02:08:46]
إقامة جبرية تامة يعني في البيت وما تتحرك.

محمد أبو حبسة: [02:08:49]
في البيت، بقول لك تحركت أكم من مرة يمسكوني ويحبسوني.

محمد التميمي: [02:08:54]
قديش مدة الحبسات كانت تكون؟

محمد أبو حبسة: [02:08:56]
يعني أقعد أسبوعين ثلاث ويطلعوني.

محمد التميمي: [02:09:00]
آها.

محمد أبو حبسة: [02:09:01]
بس إيش تعيدهاش.

محمد التميمي: [02:09:02]
كم مرة انحبست خلال ال 8 سنوات هاي.

محمد أبو حبسة: [02:09:04]
والله بجوز 10 مرات.

محمد التميمي: [02:09:07]

آها.

محمد أبو حبة: [02:09:07]
وين ما يلاقوني ياخذوني.

محمد التميمي: [02:09:10]
بس إنت ما كنت ملتزم فيها، كنت ملتزم في الإقامة الجبرية ولا لأ؟

محمد أبو حبة: [02:09:14]
إجمالاً يعني ملتزم بس إيه مرات يا أخي الواحد إلا يجد عليه شغلة يطلع.

محمد التميمي: [02:09:19]
آه.

محمد أبو حبة: [02:09:19]
إلا يجد عليه شغلة يطلع، بعدين من كثر ما تبهدلت، قلت خلص ولا بدي أطلع ولا إشي صرت، طيب بدنا نشتغل بدنا بدنا نصف حالنا بدنا كذا، بتعرف لا كان في رواتب ولا في رواتب إشي بسيط يجينا يعني ما يسدش الرmq، هلا صرنا متجوزين وعنا عيلة.

محمد التميمي: [02:09:41]
بعد قد يش تزوجت ما حكيتليش عموضوع الزواج .

محمد أبو حبة: [02:09:44]
بعد سنة.

محمد التميمي: [02:09:45]
بعد سنة من إفراجك.

محمد أبو حبة: [02:09:47]
آه.

محمد التميمي: [02:09:47]
تزوجت.

محمد أبو حبسة: [02:09:48]
آه.

محمد التميمي: [02:09:49]
قريبة لإلك زوجتك.

محمد أبو حبسة: [02:09:51]
نعم

محمد التميمي: [02:09:51]
قريبة من قرابيك ولّا.

محمد أبو حبسة: [02:09:53]
لأ من إيه بيت دقو،

محمد التميمي: [02:09:56]
من بيت دقو.

محمد أبو حبسة: [02:09:56]
بس إمرها إمرها إيه إمرها بنت عمي.

محمد التميمي: [02:10:01]
آها.

محمد أبو حبسة: [02:10:01]
إمرها بنت عمي.

محمد التميمي: [02:10:04]

صار عرس كبير.

مُحَد أَبُو حَبْسَة: [02:10:05]

أوو عرس بخووف صار عرس بخووف، فا اللهم صلّ على سيدنا مُحَد، قلت بدي أسوي مشروع سويت مشروع هون جبت حوالي 1500 دجاجة بياض.

مُحَد التميمي: [02:10:28]

آها.

مُحَد أَبُو حَبْسَة: [02:10:28]

وجبت بقرتين، وصرت أعمل أعمل حليب أجيب ولد يوزعه، واللي يزيد أعمله رايب أو لبننة ومشى، والبيض بتعرف والتهيت فيهن، بتعرف هذول بدهن عناية، قيم.

مُحَد التميمي: [02:10:49]

هاظ فترة فترة الإقامة الجبرية.

مُحَد أَبُو حَبْسَة: [02:10:51]

آه.

مُحَد التميمي: [02:10:52]

نعم.

مُحَد أَبُو حَبْسَة: [02:10:52]

فبدهن تطعيم، وبدهن إيه علف وبدهن شغللات بتعرف، التهيت فيهن، بس عاهدت نفسي إنه 30 فالئة من الدخل، من صافي المريح يعني.

مُحَد التميمي: [02:11:10]

نعم.

مُحَد أَبُو حَبْسَة: [02:11:11]

لله تعالى يتوزع بتعرف.

محمد التميمي: [02:11:14]
صدقة.

محمد أبو حبسة: [02:11:15]
كانت انتفاضة والناس وضعها تعبان، أوزع على اللي بستاهلوا يعني، عرفت كيف، واللي يجي بتعرف أطلع في الواحد منا عارف أهل المخيم الفقير أقول له توكل على الله، اللي بيقدر يدفع يدفع يعني كانت كانت زي ما بقولوها خوش خوش بوش.

محمد التميمي: [02:11:36]
كان لك أي نشاطات في الانتفاضة.

محمد أبو حبسة: [02:11:39]
كان اتصالي مع أبو جهاد الله يرحمه، وكنت با كنت يعني بموّل الشباب.

محمد التميمي: [02:11:51]
آها

محمد أبو حبسة: [02:11:51]
بموّل الشباب وكان عندي مبلغ منيح يعني، بعث لي مبلغ منيح اللي أموّل فيه للهياط، وأمانة الله وقتها إنه معي مبلغ يعني ما بتصورش عقلك، وكنت أروح أتداين باكيت الدخان دين.

محمد التميمي: [02:12:10]
يا سلام.

محمد أبو حبسة: [02:12:12]
وأكثر إشي أثر فيّ إني أعطيت واحد أو طلبوا مني أعطي واحد مبلغ كبير، وفيما بعد اكتشفت إنه سارقه.

محمد التميمي: [02:12:27]
آها.

محمد أبو حبسة: [02:12:27]

وفاتح فيه محل في عمّان، فهيا كثير حزت في نفسي، أقول الله أكبر، أنا أتداين باكيت الدخان وأنا معي كل هالأموال، وهذا ابن هالحرام اللي بعطيه مشان يوزع على المستحقين لأصحاب الحاجة إيه.

محمد التميمي: [02:12:51]

يسرقهم ويروح يفتح.

محمد أبو حبسة: [02:12:54]

يسرقهن، وبلغت أبو جهاد أنا وقتيتها الله يرحمه، وما هو مطولش أبو جهاد وتوفي بعدها، بعد ما توفي أبو جهاد أنا إيه زي ما تقول انحبطت.

محمد التميمي: [02:13:10]

آها.

محمد أبو حبسة: [02:13:11]

انحبطت وقعدت، هلقيت يوم حاطين لي الدار هاي اللي جنبنا مأجرينها أصحابها من القدس، حطوا لي فيها جاسوس، وخطوا لي هان جاسوس في الدار هاي يعني خنق، لا أقدر أطلع ولا أروح ولا إجي، حتى يوم يوم هاظا الكلب اللي هون أجت بتعرف الدوريات بقوا يظلوا يلفوا.

محمد التميمي: [02:13:44]

نعم.

محمد أبو حبسة: [02:13:46]

بتيجي الدورية من البوابة من فوق وتطلع من بوابة التحتا في بوابة تحت كمان.

محمد التميمي: [02:13:52]

آها.

محمد أبو حبسة: [02:13:53]

ومرة حطيت لهم انتركهم، صاروا يرنوا عليها كل ما هني موجود، أقرفوني.

مُحَد التميمي: [02:14:05]
آها.

مُحَد أبو حبسة: [02:14:05]
المهم يوم طاحوا بقى في عنا معرش دوالي هون تحت.

مُحَد التميمي: [02:14:10]
آها.

مُحَد أبو حبسة: [02:14:11]
وهون محل هاي هيك محل محل ما إحنا قاعدين كان في توتة كبيرة.

مُحَد التميمي: [02:14:21]
آها.

مُحَد أبو حبسة: [02:14:21]
المهم الجيش أجوا دخلوا عالدار، "وين الشباب وين هاظ؟"، قلنا لهم: فش أنا عندي ولاد صغار
مفش صغار يعني واحد واحد وحدة عمرها سنتين وواحد عمره سنة، سحبوا حالهم وطلعوا،
الأفندي اللي تحت هاظا مبلغ إنه أجوا مسلحين على أبو حبسة.

مُحَد التميمي: [02:14:51]
آه.

مُحَد أبو حبسة: [02:14:52]
والله يا أبو الشباب ما شفت لك وإذا الحارة كلها مكرتبة، وطلعوا كل هالجيران اللي حوالينا
هذول طلعوهم من بيوتهم، وتحقيق وشو بتعرفوا عن مُحَد، ومين اللي أجي عليه ومش عارف
إيه، أجوا علينا عالدار حطوا أبوي في غرفة، وحطوني أنا في غرفة حطوني أنا برة تحت التوتة،
وأختي في غرفة ومرتي في غرفة، إيه ولك شو في؟ بقول له، قال لي: وي "وين اللي المسلحين اللي

أجوا عليك؟"، أوف مسلحين، قال: "آه"، قلت له: والله يا أبو الشباب كنه المخبر تبعك المرة مش صادق، معاه يا زلة ضباط المقاطعة كلها جاين معاه.

محمد التميمي: [02:15:51]

آه.

محمد أبو حبة: [02:15:51]

إيه، قلت له: شو بتحكي إنت يا زلة إنت مجنون، اسمه كابتن زكي، بقى وقتيها مسؤول منطقة كفر عقب قلنديا حزمة لعناتا، قال لي: "محمد احكي وين الشباب المسلحين اللي أجوا عليك؟"، قلت له: يا عمي لا في مسلحين ولا في مسلحين، بعدين دارت لي، قلت له: آه المخبر تبعك مش صادق، ولك هذول جيش دورية من عندكم، قال لي: "شو بتحكي؟"، قلت له: جي دورية جيش أجت من فوق ودخلت علي وسألتنني في شباب وسحبوا حالهم وطلعوا، قال لي: "اثنين اللي فاتوا الدورية بتمشي بكون فيها ستة"، قلت له: كانوا تحت الدوالي زلتك مش شايفهم، وروح جيب الدورية اللي كانت في الوقت هاظا وقت ما خبرك بعيد عنك إل الهذا وأنا بطول لك إياهم، بالحظ أختي حكك نفس الكلام، قالت له: "روح جيب الدورية وأنا بط أنا بطول لك إياهم، وقعت البطارية.

محمد التميمي: [02:17:12]

لا لا بس بدها تفضل كمل.

محمد أبو حبة: [02:17:23]

آه، فيا سيدنا العزيز، وفعلًا راحوا جابوا الدورية، جابوا الدورية قالوا لهم: "إنتوا أجيئوا هون، دخلتوا على هاظا البيت"، قالوا لهم: "آه"، ما خلونا نشوفهم يعني ونقول لهم هذول ولا هاظ ولا هاظ.

محمد التميمي: [02:17:45]

صحيح.

محمد أبو حبة: [02:17:45]

بس سألوهم قالوا: "آه إحنا أجيئنا هون ودخلنا عالبيت، والبقية بقوا كانوا تحت الشجر تحت العنب"، فزي ما كبيت عليهم مي، راحوا كلهم وهو قعد وقتيتها، قال لي: "بدي أدردش أنا

وإياك"، قلت له: دردش، قعد في السياسة، وشو اللي بيصير وشو الكذا وشو الكذا، بقت وقتيتها أيام إيه مؤتمر مدريد.

محمد التميمي: [02:18:16]
أوسلو.

محمد أبو حبة: [02:18:17]
آه، ويعني ها بلش في تلحين على السلام مش والسلام.

محمد التميمي: [02:18:21]
كانت نهايات الإتنفاضة تقريبًا.

محمد أبو حبة: [02:18:23]
آه.

محمد التميمي: [02:18:24]
وبدايات المفاوضات.

محمد أبو حبة: [02:18:26]
آه، فأنا قلت له: شو اللي راح؟ قال لي: "كنك بتحلم، قلت له: أنا بنشوف نتلاقي إذا الله أعطانا عمر بتشوف إني أنا بحلم ولا إنت اللي بتحلم.

محمد التميمي: [02:18:36]
آها.

محمد أبو حبة: [02:18:36]
المهم انصرف وقتيتها قلت له: طيب بعدين بدكمش تقيموا هالهاظا عني، قال لي: "بنشوف"، قلت له: (تداك) يعني اهتم، قال لي: "إن شاء الله إن شاء الله" قامها بعد سنتين.

محمد التميمي: [02:18:51]
بعد سنتين.

محمد أبو حبسة: [02:18:52]
آه.

محمد التميمي: [02:18:57]
ظلت لل 95.

محمد أبو حبسة: [02:18:58]
نعم.

محمد التميمي: [02:18:59]
الإقامة الجبرية ظلت لا 95.

محمد أبو حبسة: [02:19:00]
لل 93.

محمد التميمي: [02:19:00]
لل 93.

محمد أبو حبسة: [02:19:04]
لل 93.

محمد التميمي: [02:19:07]
نعم

محمد أبو حبسة: [02:19:07]
لل 93 في ال 95 انحبست كمان مرة.

محمد التميمي: [02:19:13]
انحبست في ال 95 بس كانت أوسلو موجودة وكان اتفاق السلام قائم.

محمد أبو حبسة: [02:19:17]
كانت أوصلو كانوا الساع في ربحا وغبه، ما كانوش جاببن هان، ووقتها يعني كيف بدي أقول لك يعني هيك لفقوها تلفيق.

محمد التميمي: [02:19:33]
نعم.

محمد أبو حبسة: [02:19:33]
التهمة هيك تلفيق إنه إنت عندك سلاح والسلاح هاظ مقتول فيه إيه 11 عميل وثلاث، ثلاث إيه جنود ومش عارف شو، قلت لهم: وينو السلاح؟ طيب هاتوا، في الآخر عرفت إنو بدهم يظبونا يعني بس.

محمد التميمي: [02:19:55]
آها.

محمد أبو حبسة: [02:19:56]
مظبة، يعني في الآخر قال لي: "إنتوا لا مامين في سلام ولا بدكم سلام، وإنتو إيديكم ملطخة بالدم، وإنتو لازم تنظبوا"، قلت له: يا ابن الحلال طب إحنا طب أنا ما هيبي بشتغل مع أبو عمار، كيف يعني؟ وأنا بدي أمسك منطقة رام الله، بقى واعدني أبو عمار إني أنا أمسك رام الله، شو اللي بتحكي فيه، قال لي: "إنتو بتأمنلكمش، إنتو لازم تنظبوا سنتين ثلاث عيين ما تمشي عملية السلام".

محمد التميمي: [02:20:38]
آها.

محمد أبو حبسة: [02:20:38]
والله بالفعل قعدت سنتين ونص.

محمد التميمي: [02:20:40]
اعتقلوك في ال 95 سنتين ونص، في ال 95 اعتقلك سنتين ونص.

محمد أبو حبة: [02:20:47]
آه.

محمد التميمي: [02:20:47]
على بس إنه يعني.

محمد أبو حبة: [02:20:49]
هيك.

محمد التميمي: [02:20:51]
بس هيك بدون أي تهمة وبدون أي شيء.

محمد أبو حبة: [02:20:54]
ولا إشي.

محمد التميمي: [02:20:54]
في أي سجن.

محمد أبو حبة: [02:20:54]
همّ حطوا التهمة، بس عين ما طلعت منها أخذت سنتين ونص صارت تحدي يعني قلت له:
طيب إسرائيل دولة ديمقراطية.

محمد التميمي: [02:21:02]
آه.

محمد أبو حبة: [02:21:02]
مزبوط قال لي: "مزبوط" قلت له: طب كيف بدكم توخذوا واحد بدون ما تهمة، قال لي: "ما
هو عين تطلع منها وإنت رايح جاي عالحاكم بدك سنتين ثلاث"، بالفعل قعدت سنتين ونص.

محمد التميمي: [02:21:16]
في أي سجن قضيتها هاي؟

ﻋﺠﺪ ﺃﺑﻮ ﺣﺒﺴﺔ: [02:21:19]
ﻗﻀﻴﺘﻬﺎ ﺃﻭﻟﻬﺎ ﻓﻲ ﺧﻴﺎﻡ ﺭﺍﻡ ﺍﻟﻠﻪ ﺑﻌﺪﻳﻦ ﻋﻠﻰ ﺧﻴﺎﻡ ﺍﻟﻔﺎﺭﻋﺔ ﺑﻌﺪﻳﻦ ﻋﻠﻰ ﻣﺠﺪﻭ.